

古訓彙規
序文形圖

辛未季夏

南溥廖維
勳南家譜

同邑馮應題


萬世平芳保

中華民國十九年

刊成維則堂藏版

善迺守家規

大 宗 祠 圖



南洋風物異記卷之五

南洋風物異記卷之五

重修南海廖維則堂家譜序

我族家譜自道光戊申重修後迄今八十餘載孫曾蕃衍人事變遷代遠年湮攷查匪易不有纂述文獻奚徵此我族耆老所以有續修家譜之舉也桂芳翁首倡其議族人翕然無異詞公推暘谷翁及景曾任總纂之職夫譜牒之學古昔所重隋書經籍志著錄彌繁而書多散佚宋廬陵歐陽氏譜最精善近代則河間紀氏九江朱氏皆有名惟族系各殊義難拘泥今一切體例悉遵舊譜前賢所定不敢紛更也調查世系則由各房兄弟分任其責或有記憶未真者則啟粟主以證明之凡所紀錄務求翔實無虛偽無浮濫庶幾綱舉目張可詔來哲矣嘗攷我國宗法制度

南海廖維則堂家譜

卷一

序文

一

用意至深尊祖敬宗孝友睦婣風俗人心日趨良善斯暴戾恣睢之氣自消弭於無形故治平之基造端於鄉閭而收效及乎天下大學云一家仁一國興仁一家讓一國興讓孟子云人人親其親長其長而天下平胥是道也慨自世風日下人欲橫流孝弟忠信之規渺然不可復覩而異端邪說直欲破禮教之藩籬輕浮少年陷溺於洪濤巨浪中而不悟名節掃地道德淪亡嗚呼可哀也已正本清源之策舍提倡宗法其道未由孟子謂經正則庶民興庶民興斯無邪慝理固然也我祖定家規三十六條著於家譜之首所以垂戒子孫者至詳且摯凡我族人當思創業之艱難砥礪廉隅毋忘先祖之彝訓况族望彪炳冠冕南州

名宦鄉賢儒林文苑志乘所載代有傳人發揚而光大之
此後死者之責也詩云夙興夜寐毋忝爾所生願與我父
老兄弟共勸之

中華民國十九年三月二十二傳孫景曾謹序

舊序

我族譜系屢欲纂脩卒未克成豈果留以有待克至于今日乎亦以見事之克艱未易卒業也自明成化古潭公既登賢書需次計偕僅存脩譜一序後以司鐸無錫譜牒失傳凡所留存皆得於各家傳聞輯錄遞

國朝乾隆癸巳玉堂公卓亭公建議脩復延至丙午十餘年亦未克就僅留稿底率多殘缺茲重以諸父兄之命委任勦事其難其慎蓋未敢遽言克當也族 太祖自南宋以來始遷居南海之良寶鄉經今五百餘年世代既遙族屬蕃衍分處賀豐沙圃兩鄉歲時享祀則子姓咸集禮讓雍容秩如也然其間或播越流寓或蕩析離居有不得而

南海廖維則堂家譜

卷一

序文

一

盡詳者也夫周禮宗以族得民先王綴民以族欲使人不忘本也然非明世族而立宗法則人心乖異輕棄其鄉遷徙無常爲游民爲惡少失父兄之教亡宗族之訓以故至此古者鄉田同井聚族而居孝友睦婣之理明出入友助之誼講使皆曉然於父子兄弟之倫尊卑長幼之禮故人心厚而風俗和平也惟是爲之父兄者以身率之禮義足以齊家好尚足以帥俗卽有一二不肖子弟亦必多方爲之諄諄誥誡使不至陷溺於爲非而爲之子弟者亦當痛自儆省勇於改過從善克自樹立以無愧乎父兄豈不振善族也哉後之人循覽斯譜知夫敦宗睦族之義生其尊親敬長之心則吾今日纂脩斯譜之厚幸也夫

道光歲次戊申冬月 日十八世孫灼序

南海廖維則堂家譜

卷一

序文

二

序

記曰尊祖故敬宗敬宗故收族收族故宗廟嚴古先王誼
篤宗盟同姓爲重故周禮曰宗以族得民孟子謂人人親
其親長其長而天下平也我族 始祖自南宋末來官於
粵遂卜居南海之良寶鄉有元時生齒未繁至明而椒聊
漸衍八世古潭公舉孝廉爲無錫縣教諭著有族譜序一
篇其詳不可得而聞也自十二世芝蘭公始創宗祠於良
寶鄉之西偏濱浦海面樵山實爲形勝之地以迄 本朝
支派彌遠黨族尤蕃近三十餘年以來由科第起家者若
而人豈非根源盛大流澤更長乎宗祠雖建自芝蘭公後
亦略加修葺嘉慶間十七世恬然公集族衆之力擴而大

南海羅則家譜

卷一

序文

三

之規模既頗宏壯而族譜未修殊爲缺憾前此玉堂公卓
亭公有志搜羅而體制未備事亦多遺今合族紳老共推
秋葉銓卿夢生三人董厥事鑑湖虞階實贊成之予以遠
宦汝南不獲旁參末議書成郵至署中見其體例縷晰支
派詳明實足以信今而傳後後世子孫一覽了然知宗派
雖分本源則一孝友睦嫻任恤之心可油然而生矣又故老
傳聞咸謂吾 祖出自中州始遷於粵無可考據予出守
汝郡六年於茲每欲訪求 始祖所自出之處茫不可得
豈此地屢經兵燹遷徙無常代遠年湮無可考據耶今我
族聚居良寶間分賀豐沙闡二鄉均相去不遠每春秋祀
事少長咸至昭穆有序閱時至六百年井里墳墓歷歷可

考人咸安居樂業無流離蕩析之患者謂非貽謀之善卜
世之長不可也詩曰子子孫孫勿替引之又曰繼序思不
忘後之人覽斯譜者尙其遠追 祖德勿替勿忘可乎
道光二十八年歲次戊申十月
賜進士出身知河南汝寧府事十八傳孫銜謹序

序

國史與家乘有大小廣狹之分而載筆鄭重紀輯詳明非
鹵莽者所可從事我南海良寶廖氏在粵中爲著姓派衍
賀豐沙開者數世後始析厥居而三四世前祠宇墳墓悉
在良寶鄉中其地樵山南屏江水北注數百里內罕見其
匹形家謂山川孕育必有偉人碩彥迭生其間邇來科甲
蟬聯人文蔚起將爲嚆矢先聲然今日族譜之脩非徒以
閱閱相高而以親愛相屬者也我族自八世古潭公以成
化賢書始脩家譜自時厥後又幾閱三百年族人推舉家
茂才玉堂公脩輯漸有條緒而未卒其業今日之纂脩者
多藉是爲依據焉嘗思人本乎祖自 始祖以至數世世

南海廖維則家譜

卷一

序文

四

代尙近親誼尙屬未漓至族屬蕃衍派別支分情意漸生
隔閡其有經營四方客于他鄉者積歲不相聞問一爲聯
以氏族則氣誼倍覺相親又或同居本土乾餽德色不無
小故之爭及一經排解則猜嫌頓釋何者孝友之性根于
中則親愛之固結有莫知其然而然者也夫崇鼻祖以獨
尊固屬不祧俎豆序耳孫于旁列當思無間形骸其有相
戕相虐相欺相詐者是不以祖宗之心爲心祖宗在天之
靈亦必擯而棄之其讀書明理之士又當躬行孝弟爲族
衆倡有不率者必爲保全之曲成之以無負一體相孚至
意則庶乎爲肖子孫矣歲戊申族中諸耆老推從叔秋藻
孝廉在祠脩纂復命族弟夢生孝廉與余同勦厥事因不

揣固陋時叅末議是役也旦夕校纂九閱月而譜成其中
別類分門體制畧備若謂家乘能與國史相表裏則固無
能爲役矣書成弁數語于簡端以與族人共勉焉
道光歲戊申冬月 日十九世孫衡平序

序

家譜之作所以崇本支也賜姓受氏肇于前古同條異族別于後代譜而弗明斯族類弗辨族類弗辨則源流混而世次莫考親疎紊而愛敬難施史稱五季之間宗牒淆亂昭穆舛易至有季父母舅而反拜姪與甥者向使家乘可稽夫安至此然則宗之賴有譜也不綦重哉吾宗自南宋以來多歷年所始脩之譜明景泰間毀于兵燹其後八傳而古潭公脩之十二傳而迴涵公脩之十六七傳而玉堂卓亭諸公又脩之然皆未壽之貞珉登諸梨棗年代漸遠蠹蝕凋殘諸父老懼其久而散失也爰推族叔秋藻族兄銓卿重纂焉而命松勳厥事于是重補殘缺兼繹舊聞訛

南海夏維則家譜

卷一

序文

五

者正之疑者闕之凡九閱月而告竣上遡 始祖之興中 歷元明之代繼繼承承以迄于今倫次則繫之以圖終葬 則必紀其地千枝萬派開卷瞭然他如祠宇必書祀典必 謹崇報本也徵之古訓嚴之家規示勸懲也錄善行而揚 節孝維風化也登耆壽而列選舉尊齒德也至若前人之 著述軼事之流傳與夫古蹟舊聞近人文藝有可紀者悉 附于末以示後之子若孫其分門別類而不厭其詳者凡 皆所以重本支之意也夫做帚自珍世每貽笑顧神不歆 非類民不祀非族世之以閥閱相高也久矣然援顯宦以 爲吾宗則本宗之當祀者不餒而乎聯華胄以爲同族則 本族之當睦者不反悖乎夫狄公郭相門地難誣南阮東

崔支流各異將以上明祖德下貽孫謀豈可以欲炫家風者致誣祖亂宗之誚哉善夫古潭公之言曰是吾宗者雖貧賤不遺非吾宗者雖富貴不錄則斯譜也雖未有豐功偉績令聞廣譽者炳著于時而一家之作述留貽要自有其真也後之人披斯圖可以知本源可以稽倫敘而孝弟之心庶油然而生也夫

道光歲次戊申冬月 日十九傳孫松謹序

舊序

大明成化七年有族叔滄江漁侶率族人來慶新科之喜
席旣闌僉曰先世有譜至精至備奈景泰己巳年間遭于
兵燹失之而吾子孫皆能記其世系子宜脩之予時京行
諾之而未暇舉迨夫次年八月自京師歸又承伯父松石
友人父新庄樸叟之命徧詢諸族中耆老而得各房本枝
焉驗之吾祖九十七歲翁生平所識不謬矣遂錄以爲譜
然而族屬旣繁世數旣遠遷徙不一族牒有不得而詳紀
也第世傳 吾祖原中州人宋末時來官嶺表列宦中憲
迨世運交錯長公卜居南海遂家于良寶鄉焉次公居新
會季公居龍門今亦無所考據不必強其所難知也且世

南海廖維則家譜

卷一

舊序

七

人之作譜者必假名位以華其宗以豔其族以耀人之耳
目而吾之譜則不然是吾族者雖貧賤不棄非吾族者雖
富貴不錄辨其長幼而親疎不踰晰其尊卑而昭穆有序
俾知某祖之孫爲誰人之子爲某人之父於焉相親相愛
相勉勵相勸率不以途人視族人亦不以族人視途人此
余之厚望者焉然族譜作之非難守之實難若後世詩書
禮義者收拾之而不壞流傳之而不失則爲賢子孫矣余
之所望者如是則凡有名于斯譜者宜勉之哉是爲序

宋考

代無中憲大
夫官銜似誤

成化八年秋八月鄉進士八世孫垣撰

歷代脩譜名字

第八傳諱垣號古潭 成化戊子舉人官江南無錫縣教諭

十二傳諱芝蘭字憬蕭號迴涵 隱居教授

十四傳諱煒先字賦彝號寵德 脩渭川房譜

十五傳諱聖和

十六傳諱拔朝號揚眉 職員

十六傳諱文璧號玉堂 邑庠生

十七傳諱觀裕號卓亭 布政使司理問

十七傳諱定魁號遇潛 脩賀豐房譜鄉飲賓

十七傳名士瑜字懷貞 號菊泉

十八傳名時炳字明熙號鑑湖 從九品議敘六品頂戴 例封文林郎

南海廖維則堂家譜 卷一 歷代脩譜名字 八

十八傳名麟瑞字桓植號虞階 國學生 例封修職郎

十八傳名灼字垣耀號秋藻 道光辛卯 恩科經魁揀選 縣知縣

十九傳名衡平字翹湘 一字銓卿 道光丙午科副貢生 候選教諭

十九傳名松字邦基 一字夢生 道光己亥科舉人 揀選縣知縣

二十一傳名昇照字暘谷 歲貢生

二十二傳名景曾字伯魯 附貢生 候選訓導

重修家譜職員題名錄

總纂 曷谷 伯魯

編輯 叔椅 可道 庶蕃 哲明 寶珊 秉鈞

香南 子麟 仰賢

總理 桂芳

協理 祝年 以南 華幹 祥和 寬廷 廣明

洪光 志康 懷瑜 浩遠 健生 宜通

應江 劍波 佐臣

調查 世彪 恒芳 禮侯 海東 耀濃 卓華

堅華 元煌 幹臣 國賓 元杰 仲翔

伯深 仲明 葆貞 瑞棠 永年 耀東

南海廖維則堂家譜

卷一

五

漢之 同年 紹勝 子容 悌初 銀平

庶務 景廉 忠傳

南海廖維則堂家譜

十八世孫 灼纂修 十九世孫 衡平同纂

十八世孫 明麟同參 十七世孫懷貞同校

二十一世孫 昇照續修
二十二世孫 景曾續修

目錄

譜例

原始

形圖

古訓

家規

祭典

南海廖維則堂家譜

卷一

目錄

九

條例

祠宇

誥敕

選舉

善錄

耆壽

節孝

戶口

藝文

事紀

圖系

譜例

舊譜有 太祖三子次居新會季居龍門之說年代既遠無從考據是譜所載止詳本支餘概不錄

一本宗自五世後支派始繁故宗圖由五世起若四世以前各 祖諱號妣氏墳塋俱詳載 太祖系後

一宗圖以五世爲一提頭首尾蟬聯相接如初圖由五世起則自五世遞至九世爲一圖次圖復由九世起遞至十三世爲一圖每圖後分詳系紀初圖之系由五世起紀至八世次圖之系由九世起至十二世餘倣此

一宗圖前代有號者書號無號書字號字俱逸書諱有官諱者書官諱系紀則詳載諱字及某祖之子並妣氏塋

南海陳維則堂家譜

卷一

凡例

十

地其近代則圖內概書字有官名則書官名未字書名紀內則兼書名號妻書配再娶書繼妾書副再娶再副亦如之

一 太祖祠墓及二三世祖墓謹繪圖簡端崇大宗也餘不備圖

一 嗣子承祧惟本宗兄弟之子昭穆相當方得入繼於所生父下第幾子註明入嗣某人庶不致紊

一 各房支派有遷居異地者於名下註明其無嗣者於名下書一止字

一 誥敕 旌表實光宗族宜敬謹存錄

一 各小宗祠建在某坊剏造年月及堂匾名均須載入

一古訓所以勸善家規所以懲非以及祭例祭儀族事定例均宜備載俾共昭法守

一選舉必書重人材也其捐納議敘職銜各有部照例亦附入若一切由外賞給未領部照者不能備錄

一書戶口圖甲以重國課書基圍丈尺以慎工修至嘗產稅畝譜不備記另冊編存

一先代有德行事業例在表揚然言過其實識者不尚所
有前人善狀必須覈實方准採入

一耆壽必書尊老成也孀守必書揚節孝也

一先代有行述墓志列傳像贊例宜編入然一人止擇錄一二篇餘不備錄省複述也若其人藝文著作多從多

南海履維則堂家譜

卷一

凡例

十一

選少從少選不同傳贊之例

一各鄉廟社鄉校家塾坊表水利橋梁園林古蹟往事均編雜紀以備稽考

一幼殤者妾無子女者螟蛉異姓者隨母帶來者棄家爲僧爲道者均不入譜

一如有娶本宗再嫁之婦及與奴僕結婚均辱宗也例不入譜

一遷居異地久而忘反歷世久遠宗派難稽不遑宗也例不入譜

一婦人更適者例不入譜

一犯大辟之律者犯出族之條者均不入譜

一族譜修竣刊刻成書之後如有認爲本族宗支某房某
名外出之子孫一概不準入丁簿以杜冒濫

南海廖維則堂家譜

卷一

凡例

十一

續修家譜凡例

一此次續修家譜一切體例率由舊章凡前譜所未載者
賡續編纂分列各門之後以資銜接惟於每類之標目
加一續字以爲區別如選舉續藝文續之類
世系圖紀則分列各房之後
一九江朱氏家譜於藝文之外另立家傳一類本表彰先
德之旨用意最善惟本族前譜將家傳附於藝文之內
茲仍舊例以免紛更

一凡國史館省志縣志有立傳者將傳文錄入以昭公論
如鹿濟公羽皋公羽帆公雲台公兩辰公縣志俱有傳
澤羣公國史館有傳

一選舉一類有科名在前譜成書之後者如羽帆公由孝
廉出宰陸川前譜僅列生員是也宜將後日之科名補

列以臻完備

一人名有更改者如羽帆公原名淳改名翔之類是也應
兼列以便查考

一科舉停後士人俱由學校進身現仿省志縣志例凡學
校畢業者俱錄

一前譜耆壽凡七十以上者列入茲照前例以示限制
一家規及條例有前譜所未錄者均補列

原始

姓氏考載吾宗系出自周古有廖叔安春秋伯颺之後也
遞漢廖扶習詩書教授常數百人尤明天文識緯之學號
此郭先生而族姓始著若覬之守鉅鹿立之守長沙其顯
焉者也後此則綏城高隱名重徵君桂嶺真人望隆祭酒
廉宰有挈瓢之詠直臣留書篋之辭由漢迄唐具存史冊
迨趙宋啓運執象有謫仙之譽仲先美君子之稱綠荔別
氏于宜賓丹桂起家于荆楚其支分派衍雖不必盡同要
皆有事業勲名見于當世至尙書父子五秉麾節世號萬
石君家而武威郡王且以平夷功高特膺上賞則我姓于
宋視昔時爲愈盛焉吾 祖家世中州仕當宋季孰爲同
南海廖維則堂家譜

卷一

原始

三

族孰爲異氏年代既遠考據無從矣然溯諸賜姓受氏之
初則今日之別戶分門皆昔人之遺裔是其淵源所自不
可以弗悉也斯譜告成爲原厥始以示後人戊申冬月十
九傳松夢生氏記

金面山

宗廟圖

南海慶維則堂家譜


卷一

形圖

十四

良寶鄉總圖





賀豐鄉圖


南海廖維則家譜

卷一

形圖



十五



南海廖維則堂家譜


卷一

形圖

七



大 宗 祠 圖




南 海 廖 維 則 家 譜

卷 一

形 圖

六

始 祖 塋 圖



大 宗 祠 基

祖 山 坐 庚 向 申 兼 酉 卯

東 向 坊 子 孫 住 場

東 向 坊 住 場

羅 姓 住 場

梁 姓 文 魁 里 住 場

大 路

長 塘

高 砂

高 砂

高 砂

高 砂

田 鄉


上 村 林 軒


上 村

南海廖維則家譜

卷一

形圖





南海廖維則堂家譜


卷一

形圖

二十

二世祖墳地土名神仙掌 祖考妣葬於元延祐五年 庶祖
 妣於至正四年陪葬故並立兩墓迨後各房子孫分地附葬自
 四世以下各家祖墳附此者不少但未能悉載耳 祖墳日久
 附葬既多左右不無逼處道光二十五年經紳老監立石界嗣
 後一以石界爲準各子孫不得侵逼

紅棉村景




紅棉村曉

南海廖維則堂家譜

卷一

形圖

三



南海康莊廟家譜

卷一

形圖

三




南海夏初堂家譜卷一


形圖

古塲榕陰

三



平橋荷月



沙洲漁唱





南唐書則堂家譜

卷一

形圖

三





南海慶維則堂家譜

卷一

形圖

三五

窮鄉陋巷野樸無文何景之足述顧江山風月匪限一方
 花竹禽魚隨堪孤賞苟有以自適安問享帝貽譏也於鄉
 中得四景焉曰紅棉村曉曰沙洲漁唱曰古塢榕陰曰平
 橋荷月桑梓之區晨夕與共伯倡仲和於此維多圖以誌
 之聊存勝概外此若燕社堂若禁刀社若絃歌里若觀光
 樓並前人營構命名取義寄意遙深手澤所遺咸多慨慕
 吟咏所及悉附卷末陸士衡之世德堪陳乎吾願竊取其
 義矣

古訓

守國法

國家立法以治有罪人苟犯之難冀倖免守之在我則國法無刻不在吾前七情六慾皆不敢肆矣夫人身不受刑法之辱向等安樂無如懵懂者往往悞犯兇頑者明明身試而有才無行者又或妄冀巧避種種非爲遂至大則喪命小而傾家良可畏也古云人身似鐵官法如爐是好良民倍當兢兢恪守

王之綸爲御史與子弟書曰官糧早完田租緩索有外侮宜忍不宜爭求說情宜辭不宜應 國法當凜遵也

高繼成先生有田百畝每租入必先輸糧曰草莽中惟此

南海慶維則堂家譜

卷一

古訓

三

爲君臣之義凡在庶民當先知此

孝父母

父母在堂人生第一樂事能依膝下之日有幾稍有知識當如何孝順如何體貼乃愚者昧于見地巧者習于家常父母之年不知喜懼是皆不可以爲人子人生貧富有分事父母以實不以文論心不論貌古人啜菽飲水盡其歡豈在口腹之養耶然富貴人貌言菽水貧賤人有待旨甘均非養親實事須要隨地隨時能竭其力必誠必敬能盡其心或冀萬一耳倘目前愛日懵不自知身後望雲痛何能及人子急宜猛省

司馬溫公曰某事親無以過人只是不敢欺而已事君處

世亦無不然

呂叔簡曰人子之事親也事心爲上事身次之最下則事身而不恤其心又最下則事之以文又曰朝廷有紀綱是謂朝常百官有法度是謂官常家門有規矩是謂家常反其常則亂矣

或問人不幸處繼母異弟不能相容當如何朱子曰從古來難處莫如大舜只看舜如何處能取法于舜固上智之士若世人碌碌花樣甚多只要如聖人云爲人子止于孝而已天下無不是之父母衛七子之詩但曰母氏聖善我無令人殊可讀也

薛包不得于繼母廬包于外旦入洒掃父母逐之每晨昏

南海羅維則家譜

卷一

古訓

七

問安倍切父母悟而令遷還親歿諸弟求分居包自取老弱奴婢曰我喚熟也取朽敝器用曰我使慣也取碓瘠田園曰我少所治也後諸弟家落包復收而合炊安帝聞其賢授侍中

奉祖先

祖而曰先由祖而上遞遡乎其先也奉者非徒祭祀不缺之謂要有誠敬二字存之于中形之于外凡有祭祀衣冠必整器皿必潔所謂謹追遠之念伸如在之誠若村野之人未知敬奉之義可念他日我亦爲之祖先將欲子孫如何奉我由此推之則誠敬之念藹然自生矣先儒論祭祀只要集自家精神自家要有便有自家要無

便無祖考便是自家精神說得甚切實

李鄴年七十餘享祖先猶親滌祭器人請代之曰恐他人不誠無以達追慕之私也可謂祭則致其嚴矣

許文正公疾革家有祀事公曰吾一日未死寧不有事于祖考乎起奠如儀

秦克遠吾粵拔貢官教職生一背瘡痛不可忍醫不愈其母舅曰爾惑于風水祖父兩世未葬得毋以此示譴乎遠大悟卽告假歸葬瘡亦愈

祥雲集曰人于先祖最重墳墓近多惑于風水擱柩至數十年不葬又或有勇于擇地而過于苛求率無定見者心不可以對先靈地不可言福澤甚或識見闇昧專信南海維則堂家譜

卷一

古訓

三

楊公救貧之論荒誕謬妄不知自悟此尤可怪也總之擇地當慎之于始免日後遷改之患足矣庶人之葬古有定期今卽因事亦當以逾年爲限不可不察

愛兄弟

世間最難得者兄弟昔人以兄弟比手足何等親切左手傷痛右卽不安同氣流通不隔形骸故也書言友詩言翕禮言睦一言統之曰愛夫愛則兄友弟恭愛則兄寬弟忍至情至性纏綿愷惻怡怡無間凡家道之興皆兄弟和愛有以致之也倘因貨利而校錙銖聽婦言而生乖戾友愛衰則橫逆來比必然之理也是以人倫首言父子次卽兄弟尤三致意焉

司馬溫公與兄伯康友愛康年八旬公奉之如嚴父保之如嬰兒每食則問饑衣則問寒無少間

張公藝九世同居人問其術惟書忍字而已江浦鄭氏十一世同居人問其術曰但不聽婦言而已要之兩家初無成見曰忍曰不聽俱從天性流出之語非同世人強忍爲笑外不聽婦言而中實叵測者比不可不知

章三益與姪存仁避亂山中姪爲賊所執公曰吾兄止此一子不可無後卽挺身出謂賊曰姪年少無知我願代之賊知公名脇之不屈兩舍之而去

張士選少孤祖產未析藉叔經理叔有七子謂選曰此產當及吾身與汝析爲二選泣曰叔七子合得其一姪獨

南海廖維則堂家譜

卷一

古訓

三

得一此豈情理請析爲八叔不許選跪而誓強之不得乃如選言後有相士言選當高第同輩斥之相士曰文章非吾所知所決者以其滿面孝友氣耳果高捷南宮魏鍾與兄鏞偶然失愛其妻王氏聞之治酒延鏞代鍾謝過鏞嘆曰吾聞兄弟之好多以婦敗未聞以婦全者弟婦其賢乎遂兄弟如初

劉廷柱官岳州衛有方姓兄弟因產構訟臨審廷柱以先正孝友格言諄諄開導總不斷是非訟者泣悟謝過以所爭產入祠堂和好如初

別夫婦

夫婦爲人倫之始睽離則相殘親暱則相狎所謂別者

要使正位乎內而不干預外事也古人相敬如賓不失
琴瑟調和之義若謂異姓之合不能一氣相感此是過
刻之論夫女子之賢否何常惟在丈夫何如處置耳或
溺妾婢而至失歡或薄姑嫜而忘家教是皆丈夫之過
甚至牝雞司晨爲家之索夫綱不振于人何尤朱柏廬
先生曰聽婦言而乖骨月豈是丈夫凡有家室者當三
復斯言

孝友堂家規曰婦女守閨門習紡織至老不得踰內門如
有恣性越禮遊山賽神銜露體面有子當泣諫之有丈
夫當痛過之

或問程子曰古有對姑叱狗蒸梨不熟而遽出妻者得毋
過乎程子曰此古人忠厚之道也古人不忍以大故出
妻故托言微罪其中實有可出者恐不止此語有之曰
出妻令其可嫁此古人忠厚之道也

曹文忠公素貧常自嗟嘆妻曰男兒當自強君能奮志讀
書我當紡織以資膏火公諾之後中大魁同年勸其置
妾公貽詩曰宋配糟糠不下堂史傳斯語義非常今人
堂上夫情薄未若更言不下牀

劉廷式既定昏越五年登第所聘女已雙瞽矣女家力辭
廷式曰失明于定婚之後義不可棄若我不娶女將安
歸亟擇吉成禮人咸稱之

曾子喪偶不再娶子元請焉曾子曰高宗以後妻殺孝已

尹吉甫以後妻殺伯奇吾上不及高宗中不比吉甫安知其得免于非乎

信朋友

五倫中惟朋友知己不易得蓋不同骨肉而欲同孚心腹不有真氣鮮克有終故孔孟之書三致意于信字夫守信不移則兩心如一心一而後志同志同而後道合仁義相規勸患難相依倚所謂貴賤不易死生不背莫不從信字做出來至于里巷交遊不過斗粟尺布稍不守信攘臂忿爭幾忘身命此非朋友相欺實自己失信之過有知者當先自審

朱暉與張堪同縣堪嘗于太學把暉臂曰他日欲以妻子

南海康維則家譜

卷一

古訓

三

相托暉以堪先達不敢對堪亡後妻子貧窘暉爲置田宅暉子曰大人何與張公厚暉曰張君常有相托之言吾雖未答已信于心不可忘也

白敏中未第時名藉甚王啓秉文衡欲以第一人處之嫌其與賀拔碁爲友令人導意敏中許以絕交旣而碁造門左右托故推拒敏中遽躍出見碁以實告曰第一何爲榮乃賣吾良友遂歡留終日王啓聞之曰吾向只得敏中今并得碁遂以碁第一敏第三

荀巨伯遠郡看友病值寇至友曰吾死矣子可卽去巨伯曰遠來相視寇至我去是敗義求生豈巨伯所爲耶賊至問巨伯何人曰遠來候友人疾不忍棄去賊相謂曰

我輩無義不可入有義之室遂引去

吳廷舉篤友誼遊太學與羅玘善值玘病痢從者亦死吳爲執纊且負之登厠晝夜十數次不爲勞玘愈語人曰某四十年前生我者父母四十年後生我者吳公也

睦宗族

宗法言五世親盡蓋指五服以內而言若五服之外一族之中統稱曰宗宗之同氣本于一人不可無以睦之也世風日下睦宗族亦甚難言夫或貧或富或盛或衰未有不強弱相形者况公事公田爲名爲利各占便宜强者以力巧者以詐弱者受欺受侮嗚呼孰非一脈流通忍令相殘至此春秋責備之義誰之咎與人能

南海廖維則家譜

卷一

古訓

三

平心推愛畧勢言情以衛宗族以厚門祚是卽保富貴宜子孫之良法也

杜衍爲相國每食惟一飯一菜節所用以賑宗族貧乏享富貴之報至十餘世

范文正公旣貴買良田爲義庄以給宗族嘗曰獨享富貴不恤宗族他日何以見先人于地下今日何顏入吾宗廟

劉漫塘每月朔治湯餅會族人曰宗族不睦多起于私情間隔今日會飲非爲酒食正要有善相勸有過相規有牴牾者彼此一見事可消釋此會良有裨益宗族也

軒轅輓爲兩浙上憲每三日一食肉宗族有來告貸者量

其程途給以資斧然後另給資助其老病不能來者卽其家付之

重師尊

師以尊稱言其品學足以取法也世之延師者往往視同梓匠輪輿以爲其志將以求食也夫視師不重視子弟安得不輕俗諺云愛兒識字敬先生婦人女子亦知此言大抵以硯爲田者多寒士禮貌固不可衰餐俸尤當從厚師之身心安師之教訓懇此人之情亦理之至也若平等人家教子束脩力雖拮据心先佈置務使及期致送勿乖顏面更爲要着

宋待制彭汝勵少師倪天隱及官宮保迎天隱于家執子

南海慶維則家譜

卷一

古訓

三

弟禮甚恭天隱歿母猶未葬妻亦死且無嗣公爲葬其三喪又代嫁女于同年進士

韓天秀延師教子必卑禮厚聘束脩之外四時衣帽果餌頻頻餽送有加無已師有急難破格厚贈後二子五孫相繼成進士人以爲重師尊之報

徐家怡幼師某先生雖未成學後中鄉榜師死家貧不給徐謀于父迎師妻子五人月給衣食令其幼子與弟同館如是三年徐始中會榜

和鄉鄰

鄉鄰與我廬井相依居遊最熟非和焉將守望扶持之謂何人幸財甲一鄉宜恤一鄉之窘曷甲一郡宜拯一

鄉之難若傲慢之疎絕之侵陵之衆口積怨是謂千人所指無病而死可不懼哉况鄉曲無知爭尙血氣始而雀角繼而械殺尤爲風俗大患有鄉望者不出而爲排解是成何心王藥林詩曰舉世都爲自了漢又何貴有讀書人然則和睦鄉黨自當責備賢者矣

高玉亭爲副憲鄉黨中有人來謁必延入見有大故須藉公一言排解每有告乏資給不吝嘗戒門僕不許妄拒一人夫人曰鄉人多訴窮苦似難接應公曰吾量力而行盡心以應有何難事不可令望濟者惘惘而歸也

陳緒昌六旬無子值歲荒鄉人多不能糊口昌買糧借給始猶言俟豐歲償還後連年荒歉昌罄已產周恤不吝

南海履維則堂家譜

卷一

古訓

三

前償還之約亦忘後始舉子

陳眉公曰凡居鄉黨待富貴人不難有禮而難有體待貧賤人不難有恩而難有禮此亦見道之言

教子弟

父兄之教不先子弟之行不謹義方之訓父兄不得辭責也子弟賢愚不一能受教固是佳子弟縱不受教能盡父兄之道或冀改過自新此教之不可不先也教之法惟在去惡從善戒怠惰偷安要知稼穡艱難不陷騎奢淫佚而已士農工商尤貴就其氣質所近使之各有執業不至放閑此教之綱領也若欲子弟光大門閭則莫妙於行方便積陰功有明德然後有達人此不易

之理也

馬援戒子弟曰聞人過失如聞父母之名耳可得聞口不可得言也千古名訓

漢昭烈帝戒子曰勿以善小而不為勿以惡小而為之此集義遷善要語

呂叔簡戒子書曰門戶高一尺氣焰低一丈華山只讓天不怕無人上又曰門地托父兄而喪德辱名非父兄所能庇

金文通公戒子弟曰我在官日汝輩少做一件得意事則我休官日汝輩省一件大失意事此循環必然之理也方實村曰古人當困厄之日又際亂離猶矢志讀書今世

南海廖維則家譜

卷一

古訓

三

家之子父兄在前師執在右春秋方富歲月正閒乃不能讀書明理此富貴中罪人也

孝友堂家規云教子弟是第一要着子弟不肖富貴適益其惡子弟能自立貧賤適益其節漢二疏曰賢而多財則損其志若富而不教恐所為不止損志者

劉摯質直惇厚每教子弟必先孝悌而後文藝曰士無實德一號為文人不足觀矣

唐初王楊盧駱負盛名人皆期其顯貴裴行儉獨曰士之致遠者先器識而後文章勃等有文而浮躁淺露豈大器耶果如其言

司馬溫公曰隻字必惜貴之本也粒米必珍富之本也

許魯齋曰在朋儕中切戒自滿惟虛故能受益滿則無所容矣

王陽明有客座私祝示子弟曰不願狂躁惰慢之徒來此博奕飲酒長傲飾非導我子弟以驕奢淫佚之事誘我子弟以貪財黷貨之心此冥頑無恥之輩是謂凶人我子弟苟友凶人是爲逆子戒之戒之

陶淵明爲彭澤令不以家累自隨遣一僕給其子書曰汝旦夕之費自給爲難今遣此助汝薪水之勞此亦人子也可善遇之

勤本業

農桑爲天下之大計豳風七月首重耕織天下大拓農

南海廖維則家譜

卷一

古訓

三

民居多故聖王以稼穡爲本務若士與商非天資敏悟智慮深沉不能發名成業其次亦必專執一藝託以終身外此醫卜星相下至力役傭工無不可自謀衣食若顏情自甘游手好閒更慮流爲匪僻古人云晏安酖毒此語誠千古炯誠謂怠惰者如服毒藥必至自喪身命也可不儆懼乎

顏氏家訓曰生民之本要當稼穡而食桑麻以衣其他蔬果之蓄園塲之所產雞豚之善疇圈之所生爰以棟宇器械樵蘇脂燭莫非種植之物也能守其業者閉門而爲生之具已足但家無鹽井耳

張乖崖知蜀州嘗坐城門見村氓負菜出問何自曰買之

市公曰汝居田不自種蔬以食顧買之市乎咎而遣之陶侃爲都督習勞不自暇逸有問饋者必問其所由若力役所致歡喜慰賜若他所得訶辱還之軍民勤于農稼家給人足

張全義治東都出見田疇美者輒下馬與僚佐共觀之召田主勞以酒食有蠶麥善收者或親至其家悉呼老幼賜以茶綵衣物民間言張公不喜聲色見之未嘗笑獨見嘉麥良繭則笑耳有田荒穢者則集衆杖之是以里無游民熙然成治

崇節儉

風俗奢麗皆自其鄉之聞人望人開之有主持風俗之責者當躬行節儉以爲風俗倡先王制禮凡衣服飲食喪祭嫁娶事事皆有限制無敢過分果能遵行禮法自無過奢之理勿以爲鄙吝而笑之又况生財有數用則無方卽有厚貲無不見其立匱也

明太祖嘗持黃金一錠示近臣曰此表箋袱盤龍金也令宮人洗滌消鎔得之又出雜紵絲小片縫成毯者曰此製衣裳所遺用緝成被猶勝棄遺也一日見二內使著乾靴行雨中召責之曰靴雖微皆出民力民之爲此非且夕可成汝何不愛惜乃暴殄若此命左右杖之

明成祖服裏衣袖敝且垢納而復出侍臣合贊聖德上曰朕雖日易十衣何患無之自念惜福故澣濯更進昔皇

妣躬親補緝皇考喜曰后居富貴勤儉若此正可爲子孫法也

江西梅先生通五經四方從學者甚衆其徒有行臺御史者謁先生于家款語久之先生曰能少留蔬食否及設饌惟葱湯麥飯而已歡然共飽已執手言別口占一詩畀之云葱湯麥飯丹田煖麥飯葱湯也可憐試向城樓高處望人家幾處未炊烟

海忠介公瑞令淳安時官署中有隙地課老僕樹禾麥藝蔬芥旦夕取自贍江水之外無關淳安者胡宗憲總制浙直權甚重家僮過淳安海無加饋胡一日語藩臬曰昨聞海令爲母壽市肉二斤矣

南海廖維則堂家譜

卷一

古訓

三

蘇東坡在黃州嘗書云自今以往早晚飲食不過一爵一肉有尊客盛饌則三之可損不可增有召我者預以告之主人不從而過是乃止一日安分以養福二曰寬胃以養氣三曰省費以養財

家規

朝廷有國法宗廟有家規守國法爲好百姓守家規爲賢子孫我族凜承先世遺規歷代遵守近來族屬滋蕃情僞各出因時制事舊規不無增減茲分類酌定參合衆情務期允當凡我子姓宜恪守勿替庶幾愛宗敬族和氣致祥實有厚望

忤逆

一忤逆父母罪不容逭族法係就輕小悞犯者而言若大逆不道自有國法應由官辦

一不遵父母教訓出言不謹及酗酒冒犯只係口角悞觸者停胙五年

一性氣暴戾不聽約束敢以手足觸犯父母至父母受傷者除永遠革胙外仍卽送官懲治一切公費責在該犯交出倘該犯全無產業則開支嘗項

一胞伯叔胞兄及服內叔兄伯長如有逞兇觸犯及詈罵凌侮不知尊敬者停胙三年倘有手足他物致傷送

官究治公費照上例

一族內紳耆伯叔兄輩均屬一家尊長如有不分尊卑任氣凌侮者停胙二年

淫穢

一淫爲首惡風化攸關若服屬乖戾除送官按律辦理外將本人永遠出族

一出言調戲婦女及造言污蔑族人因而生出事端者事小則停胙三年事大則送官懲治

一無故夜入人家妄思無禮或隱匿窺探或恃酒糊塗或撞遇非禮事雖未成一經發覺將本人停胙十年

一邪淫已成眾証確鑿若事主稟官亦要先依族法將本人在祠領責永遠出族

一族內婢女僕婦及他姓寄寓人家并海旁蛋婦如有恃強欺壓妄行非禮者停胙五年

強盜

一盜劫財物擄贖人口攔河截搶均律應大辟有犯者先行革胙族內聯名攻訐決不容隱凡公費在嘗項開支

如有颺逸另出花紅捉拿此紅銀責在該犯若犯無產業責在同曾祖兄弟倘親屬又皆赤貧紳老臨時酌定一人室偷竊財物畧刮塘魚偷盜猪牛田禾等項若賍及逾貫者聽事主指名稟官辦治若賍物無幾或賍經得回除照鄉例辦理外本犯仍停胙三年

兇暴

一恃強欺壓族人動以手足他物傷人者重則由事主稟官輕則停胙兩年應否補回湯藥臨時酌議

一性氣暴戾不聽公斷在祠出言無狀藐視紳老者停胙

一年

一 被人到祠投稱自應一喚即到若實有事外出准下次祭日分處如仍喚不到顯係情虛藐視族法將該人停胙一年卽照原人投稱情節公斷不得以被投未到為言

一 自恃血氣于街市河傍轄買轄賣轄借及轄收船頭錢轄收賣婢步頭錢占據柴草埠蝦脊魚蜆埠并一切訛詐生事者停胙一年

一 祠邊村外衆人樹木風水所關如有恃強斬伐者停胙一年

一 兇暴毆及他人婦女及欺毆幼童校之毆打尤甚雖未

南海縣雜則家譜

卷一

家規

望

傷人亦停胙二年

一 族內孤寡老弱園場耕植畜養雞狗倘有借端欺壓恃強奪取者停胙一年

一 紳耆攻匪有名被差拿去該匪家人應候官辦倘用婦女出頭向紳耆撒賴者如家長不行約束將家長停胙一年若無家長將僮婦送官凡因事與人雀角不問是非任聽婦女出頭圖賴者均照此例

賭博

一 賭爲盜源最壞風俗如有在鄉設局開場聚賭無論大小窩主者停胙兩年

一 鄉內開設白鴿標廠及招引外鄉人開局誘賭者停胙

不足蔽辜另行稟 官究辦

窩贓

一窩匪窩贓甚于竊劫如有窩留匪類及勾引外匪入鄉竊劫從中分肥者指名稟 官究辦

一容留外匪在家雖未行竊查出停胙一年

一族內被竊或有指證在某家盤獲贓物除原贓交回事主外窩贓之人與行竊之人一體停胙三年

打架

一族內口角是非不投紳老處置恃勢尋毆已成者雖未傷人亦停胙一年

一糾眾持械與鄉鄰及房族鬪毆俱應嚴禁如有強橫不

南海廖維則家譜

卷一

家規

三

遵紳老彈壓者爲首之人停胙三年

一毆打以傷爲重若打架已經傷人聽被傷者稟 官如傷輕可原者聽其補同湯藥仍分別是非理曲者停胙一年

誣扳

一昏夜之行紳老原難週知如被黨供聞或其人平日未可深信者紳老斷不出保

一匪黨誣扳良善平日果係良民紳老當聯名赴保一切公費係被扳者所出如或兩家構訟累及族內公覆其公費責在構訟之人交出均不准動支嘗項

罰例

一凡扣胙由親及疎以該人身上計至同曾祖爲止先扣該人不足次同父次同祖不同曾祖者不扣

一嘗銀無論租息各款有拖欠者按祭扣胙或本人不足由親及疎以服內爲度所欠銀俱不起息扣足所欠卽行開復此係就所欠只數兩而言若欠至十兩以上者扣胙亦不能了卽責令服親將本人產業變抵若產業不足將本人父子祖孫永遠革胙不問遲早俟還清所欠方得開復

一祖祠宜肅誠潔淨以壯觀瞻凡子孫有在祠打晒禾荳上箔焙繭貯頓艇隻什物均爲不敬有犯照舊例停胙三年

一值年督理所司出入如有數目錯漏准隨時更正倘有侵用人已不能交盤除照數填償之外仍罰酒一埕

一族內有犯軍流出罪者照例革胙如奉 赦回日仍准開復惟犯姦律者永遠出族

祭例

大宗祠遞年四祭春祭正月十二日墓祭清明日秋祭八月十五日冬祭長至日

春祭日先祀文昌神於中堂主祭一人引一人陪一人通一人讀祝一人司尊爵四人族屬俱衣冠聽候行禮祭神禮畢乃祀太祖于寢祭品祭儀俱照祭神事畢紳老及八桂會份與課文者值事者均在祠春酌主祭及禮生均與祭肉一方

祭品

花紅 寶帛 香燭 金猪全體 雄雞一盆 爵杯 鶴壺 快子 白鵝一盆 鮮魚一盆 茶酒 湯飯

南海廖維則堂家譜

卷一

祭例

罌

豚蹄一盆 燒鴨一盆 麵食二盆 鮮果三盆 家釀一壘

祭儀

通 擗鼓 奏大樂 奏小樂 放炮 開中門 執事者各司其事 主祭者就位 引 就位 通 行盥洗禮 引 詣盥洗所 盥洗 詣香案前 上香 酌酒

復位 通 參神跪 叩首 再叩首 三叩首 興跪 叩首 再叩首 六叩首 興 跪 叩首 再叩首 九叩首 興 行讀祝禮 引 詣讀祝所 跪 俯伏

通 司祝者就位 跪 宣祝文 興 引 復位 通 行初獻禮 引 詣神位前 跪 獻花紅 進爵

叩首興復位通行亞獻禮引詣神位前

跪獻金猪獻饌食進爵叩首興復位

通行三獻禮引詣神位前跪獻果品獻寶帛

進爵叩首興復位通行行侑食禮引詣神位

前侑食復位通焚寶帛行望燎禮引詣望燎

所望燎復位通辭神跪叩首再叩首三

叩首興禮畢

祭文昌神祝文

維年月日廖等謹以楮帛牲醴之儀致祭于

文昌帝君座前敬祝之曰維神位列星台權司桂籍固

羣英所恪奉亦闔族所欽承五位珠聯五色絢雲霞

南海廖維則堂家譜卷一祭例

之彩一門星聚一堂爭日月之光登雲路則雁序聯

翩兆蕊珠則棣花齊發茲當春孟爰展微忱凡我宗

盟恭申祀事尚享

祭祖祝文

恭惟

列祖積厚流光根源鞏遠奕葉綿長仰瞻堂構享祀無忘

粢盛豐潔燔炙馨香以妥以侑介福無疆佑我子孫

桂茁蘭芳茲當敬慎肅將洋洋如在來格來嘗

尚享

正月初六日課文貼三鄉帖式預日通貼

本月初六日

文昌社交會在 維則堂課文

值年謹啓

春祀帖式 預日通貼

本月十二日恭祀

文昌神及春祀

太祖凡我族衆衣冠集 祠行禮是日族內紳耆及有
八桂會份與課文者均請到 祠敘福

值年謹啓

墓祭前一日值事率工人脩掃墓所祭日宗子主鬯墓
前行三獻禮通一人讀祝一人司尊爵二人紳老俱衣
冠隨祭還仍祀 祖于寢祭品如春祀祭畢紳老值事

南海慶維則堂家譜

卷一

祭例

巽

飲福胙酒不到者不與其鄉會試及出仕在外者仍與
八十以上不到亦與餘胙肉按丁簿均派

秋祭日記 太祖于寢祭品祭儀俱照墓祭紳老福胙
亦如之

冬祭日記 太祖于寢祭品祭儀福胙丁胙俱如墓祭
一遞年二月初三日祭 文帝五月十三日祭 武帝俱
照 文昌社份頒胙

條款

一應試至道考例給卷金銀壹兩另租館費銀壹兩壹錢陸分不及道考者不與如或日後置有試館則只給卷金

一人科不論生監例給卷金銀肆兩監生另給起文費銀肆兩

一縣府批首進庠後加卷金銀拾兩

一進庠謁祖書金銀貳拾兩在祠慶酌費用嘗項屬七成本人屬三成如唱戲本人自辦不在祠慶酌祇給書金不給費用

一舉人謁祖書金銀伍拾兩解元加倍在祠慶酌唱戲

南海慶維則堂家譜

卷一

條例

望

費用照進庠三七派不在祠慶酌唱戲亦照進庠例唱戲以三本為率每本約價銀陸拾員多係本人自辦欽賜舉人亦照

一進士謁祖書金銀壹百兩會元加倍點

知縣中書

加書金

肆拾兩點部屬加書金伍拾兩點翰林加書金壹百兩點鼎甲加書金貳百兩若遠班不加在祠慶酌唱戲各費嘗項屬入成本人屬二成如在京未卽旋鄉書金許其先領不在祠慶酌例照上

一新舊科會試每人程儀銀壹百兩留京再試亦照或人數多則程儀以叁百兩為額如四人至六人亦同均此叁百兩七人以上則每人支銀伍拾兩

一 恩歲貢書金銀叁拾兩副貢書金銀叁拾伍兩優拔貢書金銀肆拾兩費用照進庠例惟演戲則嘗項與本人各半

一 優拔貢 朝考程儀銀叁拾兩得一等花紅銀伍拾兩用小京官同京程儀銀伍拾兩用知縣赴任程儀銀貳拾兩用教職花紅銀貳拾伍兩赴任程儀銀拾兩

一 進士任京官赴京供職程儀銀伍拾兩舉人進士分發外任程儀銀貳拾兩教職程儀銀拾兩

一 中式暨旗杆日備金猪告 祖照丁簿列名頒肉凡紳耆不用加派其銀嘗項支辦

一 新貴謁 祖金猪是日給回猪金至常祭日本人另具

南海履維則家譜

卷一

條款

吳

金猪約叁拾餘斤到 祠闔族頒派不給猪金

一 進庠及 恩拔優副歲貢在祠慶酌本人同祖親屬免份金舉人以上同曾祖之親屬俱免份金

一 新貴親友來賀船金轎金入公項派至新貴同鄉船費係本人自辦如上船後祠內留艇仍歸公派

一 武生花紅銀拾兩武舉花紅銀貳拾伍兩會試程儀銀伍拾兩武進士花紅銀伍拾兩點 侍衛加花紅銀貳拾兩點鼎甲加花紅銀壹百兩武生武舉在祠慶酌費用嘗項與本人每半武進士則嘗項屬七本人屬三如武生唱戲係自辦或不在祠慶酌與文途同若由武舉武進士實授赴任程儀銀壹拾伍兩

一常例捐納職銜大例捐納出身者本人具金猪到祠謁祖例封書金銀叁兩每祭多與胙一份須要將部頒執照呈驗方得註簿至若外省辦理軍務文案或將軍督撫賞給未經達部者雖有將軍督撫印照不得與胙又承充各衙門典吏已滿未滿俱要報捐方成功名倘無報捐部照亦不與胙其考選議敘者亦俟達部領照到日然後辦理

一舉人進士不論文武任外官者俱要償還書金若候補及甫到任者免如任滿及超秩宦囊豐厚除還回書金外本人仍須義舉以厚嘗項

一嘗務推總理一人收貯嘗箱遞年舉督理四人長二房各一人三房二人經理一年事務下年正月初十將週年出入清數標貼交盤毋得遺漏

一八桂會每年輪值三人辦春秋祭事文昌會每年輪值六人辦文武神誕事另推總理一人貯箱三年一換凡辦祭事及總理祭日與胙一份

一每年正月初六日課文己未冠各題即日繳卷祭日列最己未冠扇金各十名襲舊文者不給其課文前二日值理寫課文帖及春祀帖分貼三鄉帖式列上

一每年正月十二日春祀凡紳耆及有八桂會份與課文己未冠者均到祠敘福席數多少臨時按計

一清冬二祭宰猪每祭限以淨肉壹千斤爲度不得過多

以昭樽節

一子孫借祠慶酌除各家有人喜慶方准若書館止許在後樓及左右廂房不得在大堂設席

一族內有娶新婦 廟見者封包銀壹錢捌分

一賀豐房相去頗遠凡祭日紳老來祠船金照給

一公推族正坊正每祭與胙一份凡有事必要到祠在外者稍可抽閒亦必回家若堅意不欲理事許其辭退另舉

一沙所耕期年滿以八月標投投中者冬前一日交上期租至田塘園地以冬日標投正月春祭日交上期租如至期不能交租將該業另投照原標投多者歸嘗項投

南海慶維則家譜

卷一

條例

五

少者責在原投之人填足若不交出由親及疎扣胙抵足

一投擺橫水渡及承批嘗舖俱要上期租如春祭日不交租另批投投少之銀照沙所例責填

一讀書拖欠脩金以至外來先生到祠投訴大失體統應照舊例在嘗項支送責在本人填還如不還照上例扣胙抵足若先生係同族兄弟雖投稱亦只責令該人具限交送不能在祠先支庶見族情

一從前欠租算利少者扣胙可抵多者扣胙難了未免參

差自此次刊譜之後凡舊日欠數在十兩以下者如扣胙已過三十年卽行寬免至近欠不及十兩者扣胙抵償本銀免其計利倘欠在十兩以上者照家規內罰例所刊辦理

一子孫添丁應照族例隨時添入丁簿從前因議添丁銀
叁錢陸分無力者因循尙難怪近年添丁銀已減至壹
錢應易爲力有新丁者務宜隨時添簿如不添丁待至
太祖有分銀之日然後添註者丁則准其入簿而此時
分銀不得與領以爲觀望者戒

一向來領胙係良寶賀豐沙閘子孫雖遷徙異縣亦一體
與份但日久人多路途間隔音問不通丁數難核不得
不議以限制所有遷徙異鄉異縣者除道光二十八年
已前曾經添丁仍舊頒胙外其二十八年以後有續行
添丁者無論各祭俱要本丁親到方准取領不能以三
鄉爲例至寄居省佛者仍與三鄉同頒因其耳目接近

南海縣雜則彙纂

卷一

條例

五

易知故也

一遷居異縣之人從前查有本人身故日久該親不爲註
銷丁名購取胙肉嗣後責在房親凡有久客不歸及久
居異縣不念宗祖者卽其人現存亦要註明丁簿同日
與胙

一族內有自小賣與他人爲奴及作他姓螟蛉子者其人
本已改跟他姓若長大有家不搬回鄉土不得與胙又
有世遠年湮該房到祠稱說上代有人外出今其子孫
回來入族如果真確原准添丁但究係該親一面之辭
虛實難考嗣後責在該親如日後查出有冒認宗支將
該丁革出仍將該房經手之人停胙十年

祠宇

祠以妥先靈大宗而外各有小宗所貴堂構森嚴規模不苟茲編所載皆有堂額石刻衆共瞻仰者若一軒一室各祀其先則不備錄

大宗祠在海邊坊大堤外有小堤包護兼衛通坊康熙間迴涵公倡建嘉慶戊辰恬然公等重脩增建後樓樓左爲文昌閣右爲財神閣正寢安 始祖考妣及二三世祖考妣扁曰根源鞏遠何雪堂明府維澡書中座榜曰維則堂湯敦甫相國書大門內立牌坊外題武威篤祐趙蓉舫司寇書內題世綵延休家玉夫尚書書左右兩翼廊俱有夾道衛以齋室大門外繚以圍垣垣外木棉

南海慶維則堂家譜

卷一

祠宇

五

古榕十數株參天蔽日前臨大河旁對西樵頗饒勝槩

節堂祖祠濟美堂在海邊坊西向

渭川祖祠光緒堂在海邊坊東向

卓涯祖祠在海邊坊東向

敬菊祖祠在海邊坊西向

炎瑒祖祠在海邊坊西向

志遠祖祠明德堂在西向坊西向

七世祖祠思成堂在西向坊西向

仰南祖祠啓承堂在西向坊西向

道光戊戌年建

仁軒祖祠世昌堂在東向坊東向

熙宇祖祠兇遠堂在東向坊東向

北一公祠在東向坊東向

明軒祖祠詒遠堂在東向坊東向

乾隆辛丑恬然公兄弟建

志達祖祠慎德堂在街口坊西向

道光丙午重修

遂寧祖祠思敬堂在北社坊西向

仰思祖祠本立堂在北社坊西向

南輝祖祠耀德堂在北社坊西向

五世祖祠世德堂在沙闡村中約西向

明萬曆戊申年建

東沼公祠在沙闡村中約東向

國香祖祠光遠堂在沙闡村頭西向

乾隆壬辰作昭公等建

登仕第善慶堂在沙闡村頭東向

靜逸祖祠繹思堂在賀豐鄉東向

誥敕

本宗由宋以來登仕籍者代不乏人自康熙庚子大水為災所藏前代誥敕悉蕩無存故茲編所纂止就近代所知所見者敬謹謄載俾光家乘永無失墜焉

廖盛庵

廖文璧

廖鶴林

廖明軒

廖昭華

廖崇衣

廖文騷

廖姓

奉

天承運

皇帝制曰沛酌庸之慶典茂對皇庥敷錫類之殊勞曲成

南海廖維則堂家譜

卷一

誥敕

書

臣孝爾太學生廖盛庵乃工部虞衡司主事加一級
廖姓之祖父箕裘紹緒詩禮垂聲詒厥孫謀樹芳規
於珂里繩其祖武奏茂績於彤庭茲以覃恩馳贈爾
為奉直大夫工部虞衡司主事加一級錫之誥命於
戲開堂構以培基德鍾家慶沛絲綸而錫命澤渥泉
臺

制曰德門衍慶淵源早裕夫孫謀盛世推恩綸綍載揚
夫母範爾何氏乃工部虞衡司主事加一級廖姓之
祖母高門毓德華閥傳芳有穀貽孫賴同心於內助
自天申命表異數於中閨茲以覃恩馳贈爾為宜人
於戲光生禴翟常昭彤管之輝德媿珩璜允著徽章

之色

制曰懋績孔昭國憲重五章之命賢聲克纘母儀流三世之祥爾黃氏乃工部虞衡司主事加一級廖姓之生祖母婉嫗承徽柔嘉濟美裕孫枝而式穀羣推箴室之賢循內則以無違用啓亢宗之彥茲以覃恩馳贈爾爲宜人於戲沐殊榮於三錫懿德彌光集繁祉於一堂新綸丕煥

敕 誥

嘉慶二十四年正月初一日

之 寶

奉

南海廖維則堂家譜

卷一

誥敕

五

奉

天承運

皇帝制曰考績疏庸特重推恩之典服官資敬聿推式穀之功爾邑庠生廖鶴林迺工部虞衡司主事加一級廖姓之父世擅清門代傳素業家風淳厚垂弓冶之良模庭訓方嚴啓詩書之令緒茲以覃恩贈爾爲奉直大夫工部虞衡司主事加一級錫之誥命於戲薄籛金而示誨世澤長延錫鞶帶以加榮天休弗替制曰官學方成讀父書而繼業愛勞交備稟母訓以揚名爾梁氏迺工部虞衡司主事加一級廖姓之母克樹芳型尤多慈教著承筐之雅範早知率禮無愆寓

徙宅之深心果見克家有子茲以覃恩贈爾為宜人於戲形毫灑潤爰推顧復之恩彩翟流芳允荷寵綏之典

制曰惠流及下先錫慶於親闈誼篤所生必推恩於母氏爾鄧氏迺工部虞衡司主事加一級廖姓之生母才堪箴室範可宜家執素絲以効功時親蠶績殫勞心而訓子果綴鴛行茲以覃恩封爾為宜人於戲綠絲脩潔久形淑慎之風彤管清華式振賢明之譽

敕誥

嘉慶貳拾肆年正月初一日

之寶

南海廖維則家譜

卷一

誥敕

五

奉

大承運

皇帝制曰考績疏庸特重推恩之典服官資敬聿推式穀之功爾庠生前贈奉直大夫廖鶴林迺工部虞衡司候補主事加二級廖姓之父世擅清門代傳素業家風淳厚垂弓冶之良模庭訓方嚴啓詩書之令緒茲以覃恩晉贈爾為奉政大夫工部虞衡司候補主事加二級錫之誥命於戲薄籛金而示誨世澤長延錫鞶帶以加榮天休弗替

制曰官學方成讀父書而繼業愛勞交備稟母訓以揚

名爾梁氏迺工部虞衡司候補主事加二級廖姓之
母克樹芳型尤多慈教著承筐之雅範早知率禮無
愆寓徙宅之深心果見克家有子茲以覃恩贈爾爲
宜人於戲形毫灑潤爰推顧復之恩彩翟流芳允荷
寵綏之典

制曰惠流及下先錫慶於親闈誼篤所生必推恩於母
氏爾鄧氏迺工部虞衡司候補主事加二級廖姓之
生母才堪筵室範可宜家執素絲以效功時親蠶績
殫勞心而訓子果綴鴛行茲以覃恩封爾爲宜人於
戲絲絲脩潔久形淑慎之風彤管清華式振賢明之
譽

南海廖維則家譜

卷一

誥敕

五

敕 誥

嘉慶貳拾五年捌月貳拾柒日

之 寶

奉

天承運

皇帝制曰誼篤靖共入官必資於敬功歸誨迪猶子亦教
以忠爰沛國恩用揚家訓爾廖昭華迺工部虞衡司
候補主事加二級廖姓之胞伯父躬脩士行代啓儒
風抱璞自珍克發珪璋之秀儲材足用聿彰杞梓之
良茲以覃恩贈爾爲奉政大夫工部虞衡司候補
主事加二級錫之誥命於戲貽令聞於經籙書刊刻

鵠佩徽章於策府寵賁迴鸞茂典丕承榮名益劭
制曰家有孝慈之範美以相濟而成國崇褒錫之文恩
以並推而厚爾關氏迺工部虞衡司候補主事加二
級廖姓之伯母德可相夫教能啓後一堂環珮和音
克著其慈祥五夜機絲內治聿昭其柔順茲以覃恩
馳贈爾爲宜人於戲溥一體之榮施鸞章賁采表同
心於訓迪象服分光

敕 誥

嘉慶二十五年八月二十七日

之 寶

南海廖維則堂家譜

卷一

誥敕

五

奉

天承運

皇帝制曰考績疏庸特重推恩之典服官資敬聿推式穀
之功爾庠生前贈奉政大夫廖鶴林迺工部虞衡司
候補主事加三級廖姓之父世擅清門代傳素業家
風淳厚垂弓冶之良模庭訓方嚴啓詩書之令緒茲
以覃恩晉贈爾爲朝議大夫工部虞衡司候補主事
加三級錫之誥命於戲薄贏金而示誨世澤常延錫
盤帶以加榮天休弗替

制曰官學方成讀父書而繼業愛勞交備稟母訓以揚
名爾前贈宜人梁氏迺工部虞衡司候補主事加三

級廖姓之母克樹芳型尤多慈教著承筐之雅範早
知率禮無愆寓徙宅之深心果見克家有子茲以覃
恩晉贈爾為恭人於戲彤毫灑潤爰推顧復之恩彩
翟流芳允荷寵綏之典

制曰惠流及下先錫慶於親闈誼篤所生必推恩於母
氏爾前封宜人鄧氏乃工部虞衡司候補主事加三
級廖姓之生母才堪筮室範可宜家執素絲以効功
時親蠶績殫勞心而訓子果綴鴛行茲以覃恩晉封
爾為恭人於戲綠絲脩潔久形淑慎之風彤管清華
式振賢明之譽

制曰惠流及下先錫慶於親闈誼篤所生必推恩於母

氏爾黎氏迺工部虞衡司候補主事加三級廖姓之
庶母才堪筮室範可宜家執素絲以効功時親蠶績
殫勞心而訓子果綴鴛行茲以覃恩賜封爾為恭人
錫之誥命於戲綠絲脩潔久形淑慎之風彤管清華
式振賢明之譽

敕誥

嘉慶二十五年十月二十二日

之寶

奉

天承運

皇帝制曰六典建邦爰置冬官之職五材辨器特分起部

之司爾工部虞衡司候補主事加三級廖姓職任經營才長相度佐理司空之屬庀物程能聿昭率作之猷鳩工効績茲以覃恩授爾爲朝議大夫錫之誥命於戲旣寵綏而錫爵宜趨事以赴功祇服綸章欽承休命

制曰勤宣聲績聿徵服采之才茂著規型式獎同心之媿爾工部虞衡司候補主事廖姓之妻馮氏夙諳內則作配名門訓典嫺明允協珩璜之度禮義純備克彰蘋藻之風茲以覃恩封爾爲恭人於戲荷天寵以流芳魚軒煥采被國恩而錫譽象服增榮

敕誥

嘉慶貳拾五年拾貳月初三日

之寶

奉

天承運

皇帝制曰沛酌庸之慶典茂對皇庥敷錫類之殊榮曲成臣孝爾太學生廖盛菴迺工部虞衡司主事加四級廖姓之祖父箕裘紹緒詩禮垂聲詒厥孫謀樹芳規於珂里繩其祖武奏茂績於彤庭茲以覃恩賜贈爾爲中憲大夫工部虞衡司主事加四級錫之誥命於戲開堂構以培基德鍾家慶沛絲綸而錫命澤渥泉

臺

制曰德門衍慶淵源早裕夫孫謀盛世推公綸綽載揚
夫母範爾何氏迺工部虞衡司主事加四級廖姓之
祖母高門毓德華閎傳芳有穀貽孫賴同心於內助
自天申命表異數於中閨茲以覃恩馳贈爾為恭人
於戲光生禴翟常昭彤管之輝德媿珩璜允著徽章
之色

制曰考績疏庸特重推恩之典服官資敬聿推式穀之
功爾庠生廖鶴林迺工部虞衡司主事加四級廖姓
之父世擅清門代傳素業家風淳厚垂弓冶之良模
庭訓方嚴啓詩書之令緒茲以覃恩贈爾為中憲大

南海廖維則家譜

卷一

誥敕

空

夫工部虞衡司主事加四級錫之誥命於戲薄籛金
而示誨世澤常延錫鞶帶以加榮天休勿替

制曰官學方成讀父書而繼業愛勞交備稟母訓以揚
名爾梁氏迺工部虞衡司主事加四級廖姓之母克
樹芳型尤多慈教著承筐之雅範早知率禮無愆寓
徙宅之深心果見克家有子茲以覃恩贈爾為恭人
於戲彤毫灑潤爰推顧復之恩彩翟流芳允荷寵綏
之典

制曰惠流及下先錫慶於親闈誼篤所生必推恩於母
氏爾鄧氏迺工部虞衡司主事加四級廖姓之生母
才堪筮室範可宜風執素絲以効功時親蠶績殫勞

心而訓子果綴鴛行茲以覃恩封爾為恭人於戲綠
絲滄潔久形淑慎之風彤管清華式振賢明之譽

誥命

道光捌年十一月初九日

之寶

奉

天承運

皇帝制曰考績報循良之最用獎臣勞推恩溯積累之遺
載揚祖澤爾庠生廖文璧迺山西忻州定襄縣知縣
廖翹之祖父錫光有慶樹德務滋嗣清白之芳聲澤
留再世衍弓裘之令緒祐篤一堂茲以覃恩馳贈爾

南海廖維則家譜

卷一

誥敕

三

為文林郎山西忻州定襄縣知縣錫之勅命於戲聿
脩念祖膺茂典而益勵新猷有穀貽孫發幽光而不
彰潛德

制曰册府酌庸聿著人臣之懋績德門輯慶式昭大母
之芳徽爾吳氏迺山西忻州定襄縣知縣廖翹之前
祖母箴誠揚芬珩璜表德職勤內助宜家久著其賢
聲澤裕後昆錫類式承乎嘉命茲以覃恩馳贈爾為
孺人於戲播徽音於彤管壺範彌光膺異數於紫泥
天庥克劭

制曰册府酌庸聿著人臣之懋績德門輯慶式昭大母
之芳徽爾潘氏迺山西忻州定襄縣知縣廖翹之祖

母箴誠揚芬瓊璜表德職勤內助宜家久著其賢聲
澤裕後昆錫類式承平嘉命茲以覃恩馳贈爾爲孺
人於戲播徽音於彤管壺範彌光膺異數於紫泥天
庥克劭

奉

天承運

皇帝制曰求治在親民之吏端重循良教忠勵資敬之忱
聿隆褒獎爾廖崇衣迺山西忻州定襄縣知縣廖翹
之父禔躬淳厚垂訓端嚴業可開先式穀乃宣猷之
本澤堪啓後詒謀裕作牧之方茲以覃恩贈爾爲文
林郎山西忻州定襄縣知縣錫之敕命於戲克承清

內
母廖維則家譜

卷一

誥敕

奎

白之風嘉茲報政用慰顯揚之志昭乃遺謨

制曰朝廷重民社之司功推良吏臣子凜冰淵之操端
本慈幃爾阮氏迺山西忻州定襄縣知縣廖翹之母
淑慎其宜柔嘉維則宣訓詞於朝夕不忘育子之勤
集慶澤於門閭式被自天之寵茲以覃恩贈爾爲孺
人於戲仰酬顧復之恩勉思撫字載煥綸絲之色允
賁幽潛

敕命

道光拾捌年拾壹月初九日

之寶

奉

天承運

皇帝制曰考績疏庸特重推恩之典服官資敬聿推式穀之功爾廖鶴林迺工部都水司主事加四級廖姓之父世擅清門代傳素業家風淳厚垂弓冶之良模庭訓方嚴啓詩書之令緒茲以覃恩贈爾爲中憲大夫工部都水司主事加四級錫之誥命於戲薄篋金而示誨世澤常延錫盤帶以加榮天休弗替

制曰官學方成讀父書而繼業愛勞交備稟母訓以揚名爾梁氏迺工部都水司主事加四級廖姓之母克樹芳型尤多慈教著承筐之雅範早知率禮無愆寓

南海廖維則家譜

卷一

誥敕

三

徙宅之深心果見克家有子茲以覃恩贈爾爲恭人於戲彤毫灑潤爰推顧復之恩彩翟流芳允荷寵綏之典

制曰官學方成讀父書而繼業愛勞交備稟母訓以揚名爾鄧氏迺工部都水司主事加四級廖姓之母克樹芳型尤多慈教著承筐之雅範早知率禮無愆寓徙宅之深心果見克家有子茲以覃恩封爾爲太恭人於戲彤毫灑潤爰推顧復之恩彩翟流芳彌振賢明之譽

誥命

道光拾肆年拾月拾玖日

之寶

奉

天承運

皇帝制曰設官分職昭器使之無遺錫類施仁喜蒙恩於
伊始爾明軒乃捐職按察司照磨廖金聲之父秉心
醇樸飭行端方教誨懷式穀之勤政事本貽謀之善
茲以爾子遵例急公馳贈爾為登仕郎錫之敕命於
戲一命得以逮親遂膺曠典庶政期于稱職永荷榮
光

制曰登皇路以馳驅忠原本孝入庭闈而奉侍嚴必兼
慈爾譚氏乃捐職按察司照磨廖金聲之母性本和
柔飭矜輦於閭內教為勤慎紆章服於庭前茲以爾
子遵例急公馳封爾為九品孺人於戲所親邀優渥
之恩勉圖懋績有子效靖共之誼宜播芳徽

敕命

乾隆伍拾玖年拾貳月拾貳日

之寶

誥敕續

廖賡堂 廖黼堂 廖翔

廖震 廖廷相

奉

天承運

皇帝制曰求治在親民之吏端重循良教忠勵資敬之
忱聿隆褒獎爾廖賡堂迺同知銜廣西鬱林州陸川
縣知縣廖翔之父禔躬淳厚垂訓端嚴業可開先式
穀乃宣猷之本澤堪啟後詒謀裕作牧之方茲以覃
恩贈爾為奉政大夫錫之誥命於戲克承清白之風
嘉茲報政用慰顯揚之志昭乃遺謨

南海廖維則家譜

卷一

誥敕續

六四二

制曰朝廷重民社之司功推循吏臣子凜冰淵之操教
本慈闈爾吳氏迺同知銜廣西鬱林州陸川縣廖翔
之母淑慎其儀柔嘉維則宣訓詞於朝夕不忘育子
之勤集慶澤於門閭式被自天之寵茲以覃恩贈爾
為宜人於戲仰酬顧復之恩勉思撫字載煥絲綸之
色允賁泉壚

制曰閭儀濟美既並播其芳聲策命揚麻宜均霑乎渥
澤爾關氏迺同知銜廣西鬱林州陸川縣知縣廖翔
之繼母毓英名閎儷德高門琴瑟調在御之和合模
夙著機杼媿中閨之美慈訓攸昭茲以覃恩封爾為
宜人於戲情深鞠育恩不間於所生典重顯揚榮豈

殊於自出

誥 命

光緒 柒年 伍月 拾肆日

之 寶

奉

天承運

皇帝制曰求治在親民之吏端重循良教忠勵資敬之
忱聿隆褒獎爾廖繡堂迺同知銜廣西陸川縣知縣
廖翔之本生父禔躬淳厚垂訓端嚴業可開先式穀
乃宣猷之本澤堪啟後貽謀裕作牧之方茲以覃恩
贈爾為奉政大夫錫之誥命於戲克承清白之風嘉

南海廣維則堂家譜

卷一

誥敕續

卷三

茲報政用慰顯揚之志昭乃遺謨

制曰朝廷重民社之司功推循吏臣子凜冰淵之操教
本慈闈爾麥氏迺同知銜廣西陸川縣知縣廖翔之
本生母淑慎其儀柔嘉維則宣訓詞於朝夕不忘育
子之勤集慶澤於門閭式被自天之寵茲以覃恩封
爾為宜人於戲仰酬顧復之恩勉思撫字載煥絲綸
之色用慰劬勞

誥 命

光緒 伍年 閏 叁月 初叁日

之 寶

奉

天承運

皇帝制曰分符百里必遴出宰之材報最三年爰重懋官之典爾同知銜廣西鬱林州陸川縣知縣廖翔雅擅材能克宣慈惠撫綏有要常深疾痛在已之心懷保無窮不忘顧復斯民之責茲以覃恩授爾爲奉政大夫錫之誥命於戲前勞已茂用褒製錦之能來軫方猷益勵飲冰之操

制曰良臣宣力於外効厥勤勞賢媛襄職於中膺茲寵錫爾同知銜廣西鬱林州陸川縣知縣廖翔之妻李氏梁氏吳氏終溫且惠旣靜而專綦縞從夫克贊素絲之節蘋蘩主饋爰流彤管之輝茲以覃恩贈封爾爲宜人於戲敬爾有官著肅雍而並美職思其內迪黽勉以同心

誥 命

光緒 柒 年 伍 月 拾 肆 日

之 寶

奉

天承運

皇帝制曰宣猷服采中朝抒報最之忱錫類殊恩休命示酬庸之典爾廖震迺翰林院編修加四級廖廷相之父令德踐修義方夙著詩書啟後用彰式穀之風弓冶傳家允作教忠之則茲以覃恩贈爾爲奉政大

夫錫之誥命於戲篤生杞梓之材功歸庭訓丕煥絲綸之色光耀泉臺

制曰壹教凝祥懋嘉猷於朝亡國常有惠播休命於庭

幃爾陳何氏迺翰林院編修加四級廖廷相之母勤慎

宜家賢明訓後相夫以順含內美於珩璜鞠子有成樹良材於楨幹茲以覃恩贈爾爲宜人於戲昭茲令善之聲榮施勿替念爾劬勞之報遺範長垂

敕 誥

光緒貳拾年捌月拾陸日
之 寶

奉

南海廖維則家譜

卷一

誥敕續

六

天承運

皇帝制曰丹地儲才妙簡金門之彥木天奉職夙推玉署之英爾翰林院編修加四級廖廷相學通載籍品著圭璋珥筆西清曾預窺乎四庫分藜東觀雅擅譽夫三長茲以覃恩授爾爲奉政大夫錫之誥命於戲揆藻稱論思之選疏榮及清切之班渥澤宜敷素修加勵

制曰丕績奏於中朝端賴閑家之助寵章頒乎慶典宜分齊體之榮爾翰林院編修加四級廖廷相之妻金氏早習女儀克修婦職鷄鳴交儆旣砥節於素絲蠶績執勞用邀恩於紫綉茲以覃恩封爾爲宜人於戲

巾袿彰和順之風鸞書誕賁廷陞煥優嘉之令象服
茂膺

敕

誥

光緒貳拾年捌月拾陸日
之寶

南海鳳維則堂家譜

卷一

選舉續

空四

選舉 生監捐職附

非名位之能重人人有足重于名位也聖人云不患無位患所以立果能實至名歸又曷愧焉何必孜孜日夜以求名哉亦盡其在我而已集選舉

垣明成化戊子科鄉試中式第七名舉人任南京無

錫縣教諭

呈龍明萬曆中三中副榜任廣西饒平縣儒學

士瓊嘉慶癸酉科中式第六十名舉人酌增例分發

教諭

姓嘉慶丙子科中式第四十名舉人丁丑科會試中

式第九十八名進士 欽點工部虞衡司主事轉

南海履維則堂家譜

卷一

選舉

壹

營繕司員外郎都水司郎中 欽差寶源局監督

京察一等記名道府四川夔州府知府現任河南

汝寧府知府

翺嘉慶己卯科中式第一名舉人道光丙戌科會試

中式第一百七十三名進士 欽點即用知縣任

山西定襄縣知縣

灼道光辛卯 恩科中式第四名舉人揀選縣知縣

松道光己亥科中式第三十四名舉人揀選縣知縣

衡平道光丙午科中式第五名副貢生候選教諭

生員

堅 邑庠生

愈成 郡庠生

如嶽 郡庠生

文璧 邑庠生 馳贈文林郎

上文 邑庠生

謙吉 邑庠生

揚邦 邑廩生

如蓮 邑庠生 覃恩誥贈中憲大夫

士琪 邑廩生

來泰 邑庠生

南海縣雜則彙譜

卷一

選舉

六

煌 原名蒸霞 邑庠生

淳 邑庠生

職員

節堂

練江

平田

渭川

新所

寶江

廣西平樂府恭城縣典史

菊賓

宜澤

廣西臨桂縣典史

逢庇

候選經歷

省庵

應昌

秀

觀佐

芳

江西南昌府武寧縣丞
陞廣西桂林府經歷

孟輪

歷任倉官後任巡檢
卒於任所

孟輿

吏員

明

繼昌

浙江金華府永康縣
典史紹興長山巡檢

經邦

市舶司

廷璋

南海廖維則堂家譜

卷一

選舉

七

紹融

能生

錫昌

候選州同

一經

恩

陞

觀海

觀裕

布政使司理問

文佐

衡佐

良佐

金聲

按察使司照磨

金榮

例贈文林郎

福堂

馳贈文林郎

成璉

成瓚

士珍

士珩

布政使司經歷

本立

正立

紹淳

上光

天寵

紹鏗

文騷

級 覃恩馳贈中憲大夫工部都水司郎中加二

其正

布政使司理問

明熙

議敘六品頂戴 例封文林郎

昌

廉

國樑

家勤

士詡

士調

茂京

鴻光

國華

議敘八品

衡鑑

議敘八品

衡俊

議敘八品

進德

華

文輝

東河捐輸分發河南 省遇缺即用縣丞

衡芳

國子監典簿

國良

議敘八品

南海廖維則家譜

卷一

選舉

矣

翬 字翬萬

筠

同寅

國子監太學生

廷睿

廷用

清

彬

彰

吉

盛菴

級

覃恩馳贈中憲大夫工部虞衡司主事加四

士祥

士英

文經

文緯

儀

景

觀賢

觀秀

觀進

觀熾

恩錫登仕郎

士珮

觀朗

南海廖維則堂家譜

卷一

選舉

奕

觀瑚

創立

連立

錫培

其中

紹淇

天錦

鼎立

品立

紹釗

錫淳

麟瑞

麟徵

天然

紹滢

銘

端

錫齡

瓊

士京

仕省

仕謙

衡選

士毅

暈字悠遠

衡璇

炘

衡佩

衡彥

莖

衡榮

國球

鐫杜

能定

瑤

南海廖維則堂家譜

卷一

選舉

年

皇恩寵錫

炎瑒

建有百歲坊題
日昇平人瑞

迴瞻

四代同堂邑侯郭公
贈額曰皓山借一

華祚

修職郎

觀熾

國子監生
登仕郎

觀佐

華貞

明海

諱居麟

瑞昭

國彩

輝明

善球

榮章

聖澤

紀章

宗會

星章

天保

隆永

字應魁 修職郎

元添

翹宗

俱九品

南海慶維則堂家譜

卷一

選舉

圭

鄉飲賓

遇潛

廷藩

來泰

邑庠生

選舉續

翔原名淳咸豐辛酉并補行戊午科中式第八十六名舉人大挑知縣欽加同知銜廣西馬平縣陸川縣知縣

廷相同治庚午科中式第九名舉人光緒丙子恩科第十一名進士朝考一等第十四名 欽點翰林院庶吉士授職編修宣統元年六月奉 旨宣付國史館立傳

廷珍光緒乙酉科中式第六十三名舉人

鴻歲貢生

桂華邑庠生

南海廖維則崇蒙譜

卷一

選舉續

又五

昇照邑庠生

元忻邑庠生

景曾邑庠生

景楠邑庠生

善錄

鄉里善人功業不著聞譽無稱亦何足述然孝弟力田詒謀有道賢良方正率物可風善在一鄉亦烏可沒其實也集善錄

八世古潭公諱垣字亮宸少有文名補順德邑庠生中成化戊子科舉人任江南無錫縣教諭卒于官先世族譜毀於景泰間兵燹至是公始修復之今譜序足資考據也舊傳墓在北海墀爲西潦衝決今不得所在十七世遇潛公重立石于靜逸祖墓側祀之

十世禹門公諱呈龍字用騰萬厯己酉副貢生任廣西饒平縣儒學文章行誼稱重于時舊傳九試三中副魁云

南海廖維則堂家譜

卷一

善錄

三

學者私諡文恪

十一世韋弦公諱曰仁字恕行涉獵經史文章品行爲世推仰時祖祠尙未建也公乃首倡冠禮科金積儲期祠成以妥先代志未畢而歿族衆咸惜之

十二世迴涵公諱芝蘭字懌蕭韋弦公長子嗜古好學手脩族譜創立宗祠以畢韋弦公之志復經理嘗務設立宗規前時祠中聯匾皆其手定訓迪後進尤諄諄不倦壽九十餘

十三世迴瞻公諱之傑字豪錫性儉樸溫恭和厚與人無忤經營開創能光大門閭爲族重望捐貲倡建靜逸祖祠壽九十六一堂四代邑侯郭公贈皓山借一扁額

十五世燦垣公諱迪康和平長厚著于鄉里耕讀自隱未嘗以疾言遽色加人而人自畏服鄉族有爭訟得其一言而解嘗至田決水鄰田人爭先灌擠公落水中族人往見將毆之公曰吾自失足方賴彼援我也鄰田人訪知公乃登門泥首謝過又族衆與鄰村人械鬪適公自他所遙望見公各爭先匿避其長厚化人多類此事載邑志

十六世建藩公諱揚邦邑廩生有文名與馮潛齋太史交最厚太史甚推重之鄉試已擬房首旋以小違式棄置性尤嗜古有王右軍薦福碑帖浮邱鮑子桐墨跡傳于玉堂公玉堂公傳于恬然公公姪灼今藏嘉慶間入祀

南海廖維則堂家譜

卷一

善錄

三

龍津社學

十六世玉堂公諱文璧字采章邑庠生丙戌進士翺之大父性方正嚴厲人望見之皆爲敬服尤善書今文廟明倫堂大學一章是其手書各祠額亦多遺蹟乾隆癸巳間與揚眉公等脩族譜多賴考正焉以孫貴馳贈文林郎

十六世應琳公諱謙吉邑庠生好學工詩博通今古與周櫟園先生同選唐詩排律批註詳明今行于世

十六世揚眉公諱一經字拔朝少業儒長承先業佐臬椽以才識見知于臬憲沈公性沈厚和藹排難解紛人不取干以私嘗有兄弟爭產構訟公爲委曲開諭皆感泣

乾隆癸巳脩族譜公與焉著有訓家節儉錄

十六世達亭公諱玉瑩字華祚好讀書博聞強記喜與賢士大夫遊謙和懇摯販豎孺子皆樂爲親近雖路遇亦必握手語刺刺不休屢試不售退隱于村之西園園有古荔二株綠陰匝地公日吟咏其下有隱居自樂之風鄉族皆倚重之與恬然公最善恬然公歿公在道聞之卽趨入哭未至門而聲徹屋瓦聞者皆下淚云

十六世九如公諱清字應亮孝友勤慎老而愈篤子弟有頽惰者輒深加戒諭晚推族正多所裨益鄉族倚重尤好讀書見爲士者倍加親愛卒年八十餘季子士瓊嘉慶癸酉科舉人

南海履維則堂家譜

卷一

善錄

七

十六世翼垣公諱潤南字廷藩狷介剛直未嘗假人詞色督脩祖祠一切度支皆出其手總理嘗務絲毫不苟嚴厲之氣晚而彌勁舉鄉飲賓

十七世遇潛公諱隆安字定魁和平樂易好學不倦尤耽吟咏嘗題白沙碧玉樓云十載憑欄思附驥春風沂水每悠然其襟懷可想見晚年隱居教讀乃重脩靜逸祖祠復立古潭公墓鄉族事多賴之舉鄉飲賓

十七世鶴林公諱如蓮字蒼華邑庠生性閒曠時于溪邊張罾取魚攜酒具詩卷自隨徹夜不倦得魚則烹之酌酒自怡醉輒高咏以爲常又嘗中秋夜登紫雲峯頂令兒童拾磚瓦建浮屠取木葉燎之燄透頂作寶光狀月

色映照十數里外畢見其風致多類此好種蓮庭中有盤破縫中忽出一花並蒂因取其兆爲名是年果掇芹尤善劈窠大字今仁軒祖祠南輝祖祠字世昌堂額皆其遺迹以子姓貴累贈中憲大夫

十七世卓亭公諱觀裕字廣華忠厚明敏見信于人整飭風俗綜理族務多斷以義人咸憚之嘗有衆匿叢箔中博偵公返豎指搖手衆卽奔散釐析嘗項田畝詳明坵段設立宗法至今賴之

十七世翔雲公諱儀字鳳昭清慎自守龍山周氏延訓子姪三十餘年造就人才皆有法則子來泰邑庠生

十七世恬然公諱金聲字擊儔天資醇厚渾然不露圭角

南海維則堂家譜

卷一

善錄

善

性孝友母年八十餘時與洗足不假臧婢起居飲食就養無方遇疾病醫藥必躬親與弟介然公白首怡怡未忍析產建詒遠堂以妥先代嘉慶戊辰倡脩大宗祠首捐重貲事有關宗族者必身親經畫設法樽節歲饑發賑存活甚衆利濟周急家人多不及知族子弟有可造就者必務作成之有爲知名士者采入邑志

十七世介然公諱金榮字拳儔恬然公弟少失怙磊落伉爽甫弱冠卽行商漢陽所獲悉付長兄凡建置施濟諸事一惟兄命未嘗少忤每歸攜果餌悉以奉母不少私留嘗置一長竹筒平餘悉納筒中有稱貸者輒舉以爲贈尤敬禮師長終歲間非餽問不復至子灼道光辛卯

恩科舉人

十七世樂賢公諱文佐字昌昭揚眉公長子少從父在臬
椽以勤慎稱後遊順德邑侯賓之習兵刑案事人多陰
蒙其福晚歸推鄉正族正戒飭族屬和處里黨悉有法
子東山公字南秀亦能繼公志焉

十七世炎亭公諱觀熾字炳華素性節儉精神康強老而
彌健乾隆丁酉合族聯壽公與其列遞嘉慶辛未復舉
公爲推首孫曾林立人多豔之

十七世絳村公諱士珪字翰雲少聰穎與弟士琪士瓊俱
有文名屢試鄉闈不售遂退居不出以詩酒自娛詩多
新意如咏雞毛帚云幾番求羽翰一出淨塵氛足見其

南海履歷則蒙譜

卷一

善錄

三

寄託不凡遺稿惜散失不存

十七世珮堂公諱士珩字翰潮性孝友少失恃事繼母不
異所生父亦早世事兩伯父如父從兄遠遊經年不返
公爲沂襄漢復歷粵西尋與偕遠時外祖家替孤孀無
依公爲贖屋以居婚喪祿養身任二十餘年屢試不售
遂援例授藩佐通達世務有經濟才好善樂施人咸仰
重事當爲者輒身任之臨終焚負債者券數千金采入
邑志

十七世福堂公諱經成字昌善好讀書任真性尤敦倫誼
長兄早世撫孤姪恤弱弟不釋置期功多貧乏力能推
與無之隱屢試不售棄就藩椽復爲本邑倉吏前後在

公三十餘年兢慎自持出納不少苟以故晚年落拓不謀朝夕晏如也喜爲詩不自收拾歿時子幼遺稿散失不存其任族事守正不阿歿時尙諄諄以訓子姪和鄉黨爲念云長孫松道光己亥科舉人

十七世郁堂公諱士琪字翰屏邑諸生溫厚和雅少與弟士瓊及騰涌馮應昌等爲文社並名噪于時姚秋農督學亟賞之科試拔第一補廩膳生嘉慶癸亥與應昌倡建龍津社學首立文會堡中人文屢興由此始焉

十七世報庵公諱士瓊字翰修嘉慶癸酉舉人少卽穎悟爲文恢博有氣勢晚更精鍊屢試春官不第授教諭以母老不樂謁選遂家居以終先是鄉間初嫁婦女有不樂夫家者輒歸寧不反復習巫蠱呪咀之術浸以成風公與族姪羽皋申稟大憲請示懲禁族有蹈惡習者諄懇戒諭其父兄俗爲頓變至今賴之

十七世綺餘公諱煌原名蒸霞字雲階達亭公次子自少攻苦力學常云雖訓迪童蒙甘守澹泊不悔也年廿四補邑庠生志益奮手披口誦略無停輟鄉社會率多前列每闡場出輒錄其文以就正及報罷彌刻苦性和易與人甚摯拓西園爲授生徒所花竹瀟灑吟誦自如學者多從之

十八世簡居公諱其中字騰耀恬然公長子涉獵書史通達世務廉靜寡欲家居恒嚴束家人不肯少貸而於傭

工人役無不待以寬厚凡裕族積儲之法多所裨益卒年七十餘

十八世樸存公諱其正字誠耀恬然公次子狀魁梧渾厚嚴重敦古誼然諾不欺周急振乏咸有父風有竭蹶者公輒貸以重金以故知交中多賴公復振其不振者亦卒不忍負公其長厚感人如此子衡平道光丙午科副貢生

十八世羽皋公諱翹字鵬卿晚號遜庵少聰穎過目成誦弱冠補弟子員崔蔭亭先生雅重之謂觀榜于五名後無庸看羽皋也中嘉慶己卯科解元丙戌進士出知山西定襄縣以循吏著有不要錢不打人之稱公無廢事

南海廖維則家譜

卷一

善錄

矣

案無留牘尤耿介不少徇大吏意卒于官士民哀號祀其主于晉昌書院製萬民傘以紀德政返櫬日行李蕭然著有四書繹尙書繹詩繹秦隴行紀遜菴詩文章

善錄續

十四世寵德公諱煒先字賦彝修德行善講學授徒成就人才甚衆經理族務凡承先啟後興利除弊多類迴涵公修本房家譜其序文性真流露誠懇動人與敬真公兄弟友愛同葬一墓示子孫以無間云

十五世善藏公諱友彬字恒省少勤誦讀壯事經營性篤孝友接物和平儉樸成家義方教子處事周詳愼厥終始鄉間戚友咸仰慕焉

十七世近宸公諱龍泰字廷階號賡堂少力學屢試未售中年改業商賈嘉慶中重建大宗祠凡經營規畫監工出納多所襄理晚年隱居主持族務老成練達爲族衆所推

南海履維則家譜

卷一

善錄續

七五二

重生平輕財利重信義優游杖履淡泊自安雖貧困晏如也享壽六十九

十七世黻堂公諱龍光字瑤階達亨公之三子也忠厚和平義方教子躬耕於對河西疇有田家自樂之風同治中鄉渡囚風沈沒親督率渡夫往救存活百餘人其好生之德洽于人心處事公平和睦閭里及公去世始有械鬥鄉鄰咸追慕焉壽七十八重逢花燭子翔辛酉科舉人

十八世謝山公諱翰字能修性好潔淨閉戶讀書屢試未售退隱於西園左園右史手披口誦老而不倦教子姪以身先之壽七十九歲

十八世贊臣公諱仕傑字能襄好古嗜學老而不倦靜坐

觀書平居吟誦自得蒔花種竹把酒欣然創三世祖千益會以裕祖嘗章程完善足垂不朽享壽七十有六歲

十九世明生公諱鑑字景星雨帆公之長子也少好學授徒數十年教學相長古稀不倦隱居西園與弟聯牀朝夕唱和孝友出自天性鄉人論兩媳事姑之孝不如公昆仲之篤入其里而生孝敬之心晚年與熾軒公同依膝下適遇梁姓演劇老母均錢看戲笑曰汝兄弟七十餘尙有母賞錢看戲宜携手同往嬉笑如童時亦家庭之樂事也享壽八十歲

十九世濟霖公諱汝澤字承遠彝卿公之次子也性孝友好讀古書不慕名利視鄉事如已事族人有所貸者量

南海廖維則家譜

卷一

善錄續

七三

力與之無吝色咸豐甲寅六月佛山紅匪四出彝卿公維持民食各鄉無饑饉之憂而佐乃翁以成茲美舉者公力居多鄉居時輒以敬尊長愛兄弟睦鄰里等言諄諄勸勉與鄉人杯酒言歡共數晨夕仁愛之心數十年如一日焉如公者可以風矣

十九世熾軒公諱昌字景熙羽帆公之次子也天性純厚事繼母極孝善體親心七十餘歲孺慕如童時常備甘旨以奉母家貧不能常得親舊知其意每購以相貽雖屢空未嘗介懷隱於西園兄弟聯牀吟咏不輟每有佳句便欣然忘食其孝友之篤洵無間言矣公當局長排難解紛如莘村廖姓與吉利關姓爭訟馮姓與羅姓械

鬥等事消弭嫌隙俱得公之力至今鄉鄰咸思慕焉主持族務十餘年苦心毅力勞怨不辭如儲積嘗業築祠前墓園石路重修七世南隱祖祠九世渭川祖祠均臻完善其和平本自天性言語詼諧好談風月栽花木遊山水以娛暮年待人以誠處事以敬族人俱樂親炙之曾孫林立壽八十

二十世方泉公諱瑤源字鏡廷謹慎持己忠厚待人處境非裕而於叔兄弟姪有婚姻喪葬不能自完者則盡力維持之人多以其親親樂善稱之壽至八十無病而終子昇照邑庠生

二十一世永鑑公諱廷明字冰壺少習科舉業屢試不售

南海廖維則家譜

卷一

善錄續

七十三

經商於漢陽梁節庵太史楊敦甫戶部馬季立明經常過從爲文酒之會嗣因病歸里閉戶不出性坦易無疾言遽色持躬處世一秉至誠鄉黨稱爲善人焉子景程測繪學堂畢業奏獎優貢景誦教忠師範學校畢業

耆壽

國家深仁厚澤涵煦寰區薄海遐陬莫不咸遊壽域况我姓堂傳世綵井餌丹砂仁壽同登淵源有自者乎茲編所錄悉古稀以上家風可述人瑞堪稱已

百歲

樂善公字性之 六世

迴瞻公字豪錫 十三世

炎瑋公字璧初 十三世

祥芝公 十四世

九十以上

牧隱公字觀彥 七世

節堂公字晚翠 八世

迴涵公字憬蕭 十二世

植耘公字敦卓 十三世

敬川公字彌卿 十五世

居純公 十五世

南海廖維則堂家譜

卷一

耆壽

五

西疇公字獻亮 十五世

長記公字崇煥 十七世

炎亭公字炳華 十七世

蘭桂公字崇基 十七世

八十以上

松石友人 七世

仰南公字彥正 十一世

持平公字敦衡 十三世

清錫公 十三世

懷真公字敦錫 十三世

信懷公字亮先 十四世

傑字公字伯豪 十四世

直存公字挺貴

松隱公字盛賢

啓琛公

松輝公字錫能

兆如公字德興 以上十五世

閒良公字燕高

齡水公字端秀

翼堂公字偉贊

柏齡公字賢廣

達亭公字章祚

東屏公字賢豪

曰所公字應會

東昇公字元漆

意餘公字文就

惠藩公 以上十六世

遇潛公字定魁

淡平公字應魁

聚源公字河新

福軒公字天魁

恕齋公字崇冠

東順公字崇華

善亭公字崇則

蘭清公字能禎 以上十七世

冲漢公字凌秀 十八世

如心公字永倫 十八世

七十以上

梅侶公 八世

東明公 八世

環洲公字少珍 十一世

敬吾公字啓隆 十二世

南海慶維則家譜

卷一

耆壽

今

念吾公字應生

藹翔公字君錫

豁然公字廣通

吉人公字敦藹 以上十三世

竹林公字伯卷

竹隱公字伯儀

若水公字潔修

仰山公

懷德公字伯良

懷舒公字伯康 以上十四世

樸如公字善球

靜齋公字弼卿

南山公字燦典

樵叟公字國典

拙菴公字掄典

瑞典公

隱存公字禮和

美存公字舉和

直隱公字居常

器齋公字啓瑚

滙南公字迪喜

居賢公

會翔公字鵬和

朝賢公

芳園公字杞茂

體茂公

以上十五世

光宴公字輝彥

貞吉公字祥彥

逸亭公字義高

維新公字榮高

海平公字蘭章

日東公字應彝

九如公字應亮

慈隱公字應鵬

信孚公字應信

柏忍公字應明

端誠公字應可

應偉公

福昌公字應善

應昌公

應禮公

應存公

應贊公

應賦公

南海廖維則堂家譜

卷一

耆壽

全

應志公

麗軒公字偉章

珍堂公字偉儒

純樂公字偉廣

善然公字詞章

穎章公

玉堂公字采章

雲連公字蒼漢

錦堂公字章漢

如甯公字宗漢

長清公字森漢

松意公字耀祖

世霞公字星漢

懷莊公字端漢

植堂公字權漢

巨川公字滙藩

啓垣公字澤藩

翼垣公字廷藩

揚眉公字拔朝

靜軒公字榮祚

傑軒公字英朝

柏純公字敬祥

松樂公字文祖

遠祖公

松維公字允祖

學平公字時祖

景雲公字懷祖

慶雲公字綸祖

鳳南公字賢卓

壘南公字賢騰

蘭芳公字賢才

松軒公字賢榮

如日公字偉昭

純軒公字偉全

燕山公字偉寶

南山公字偉華

茂祥公字元隆

東焯公字元豐 以上十六世

調元公字尚鴻

粹賢公字作聯

藹然公字作雲

榮福公字禮新

遠源公字永新

順源公字華新

南海慶維則堂家譜

卷一

首詩

全

福昇公字桂魁

耀山公字志魁

粹軒公字同魁

純軒公字國魁

德京公字仁魁

鍾洲公字昌聖

端州公字昌源

實菴公字昌秀

瑞輝公字進光

西園公字翰華

恬然公字肇儔

殿華公

卓亭公字廣華

翰輝公

觀亭公字翰光

永軒公字翰成

東生公字翰星

忍純公字翰儔

詔廷公字翰都

東儒公字翰祥

永思公字翰聖

協平公字翰隆

萬能公字翰忠

柏隱公字崇達

肯堂公字崇興

洪秀公字崇業

日林公字崇讓

栢林公字崇修

喜德公字崇長

仕成公字崇敏

炳松公字崇彪

有德公字崇昌

茂栢公字崇階

行平公字崇德

南山公字崇獻

意誠公字崇嘉

其祥公字昌發

麗亭公字昌秀

節亭公字昌栢

贊亭公字昌成

茂亭公字昌贊

修成公字恒新

樂賢公字昌昭

延仲公字祥昭

南海廖維則家譜

卷

耆壽

三

翔雲公字鳳昭

基藩公字廣宗

如叟公字周佐

如平公字豪昌

如盛公字周連

周榮公

隱士公字維禎

福甯公字衛禎

善榮公字瑞禎

咸甯公字祺禎

恬軒公字崇進

厚德公字崇裕

以上十七世

德汪公字洋萬

瑞雲公字恒萬

德軒公字朝萬

松壽公字凌萬

淡樂公字成泰

平樂公字成科

滄海公字成宗

雪峯公字成杰

簡居公字騰耀

盛賢公字成建

靜巖公字鎮山

炳然公字贊高

錦堂公字秀山

瑞珍公字永英

瑞琨公字永昂

秋垣公字永隆

星垣公字永福

靜心公字遠秀

東山公字南秀

六符公字應秀

以上十八世

三省公字翹宗

十九世

日省公字翹舒

十九世

南海廖維則堂家譜

卷一

耆壽

齒

耆壽續

百歲

祥公字惠卿 十八世

九十以上

煒光公字寵德 十四世

輿量公 十六世

進勝公字賢仕 十六世

湖公字廣立 十七世

炎梅公字叢熙 十八世

永秀公字顯立 十八世

寶勝公字世宏 十九世

八十以上

觀盛公字豪明 十七世

銳熙公字豪英 十七世

社維公字寧大

盛降公字祥福

南海慶維則景豪譜

卷一

耆壽續

全覽

銳傑公字能輝

結謙公字祥業

社保公字興大

盛舜公字祥吉

華秀公字榮立

時魁公 以上十八世

燮廷公字汝調

汝珪公字尚瑛

宏烈公字尚銘

榕公字汝材

英和公字祖騰

富炳公字汝瓊

錫軒公字世益

明生公字景星

熾軒公字景熙

興旺公字福修

可良公字慎修

社騰公字淳啟 以上十九世

沛澤公字和邦

繼然公字湛廷

泰珠公字祥志

國良公字翔英 以上二十世

七十以上

潤酉公字翰燃

龍光公字瑤階

聯祺公字祥階

銳進公字豪聚

協明公字豪湘

管明公字豪忠

觀明公字豪澤

觀霖公字豪敬

觀郎公字豪經

祖力公字豪永

開明公字豪清

逢源公字廣澤

逢標公字廣成

逢本公字廣務

善公字廣壽

洪公字廣恆

廣宗公

廣新公

帶芝公字廣福

廣禮公

南海廖維則堂家譜

卷一

耆壽續

三

廣朗公

廣建公

廣仁公

廣修公

祖創公

以上十七世

錫柔公字梅植

錫池公字恆植

俊公字信植

公強公字麟高

炎琮公字叢珍

炎佳公字叢新

錫漢公字權植

融傑公字能標

汝傑公字能勝

結藩公字祥基

結常公字祥進

結餘公字祥錦

結佳公字祥珍

茂藻公字祥閒

成俱公字祥兆

盛閒公字祥顯

錦培公字祥勝

帶盛公字熾大

帶保公字遠大

帶宗公字元大

帶佑公字昌大

帶豪公字常大

祐猷公字沛大

社能公字允大

修公字權大

澤然公字恩大

江然公字乾大

規公字光大

祥智公

潘顯公字時榮

其彥公字時賢

其慎公字時華

其勤公字時鑑

社錫公字

社近公字耀高

遠秀公字宗立

財秀公字社法

澄秀公字社教

以上十八世

鎮染公字明忠

南溪慶維則堂家譜

卷一

耆壽續

三

柏雄公字明顯

茂宏公字明欣

汝璧公字尙輝

汝炳公字尙著

汝良公字尙寅

汝汪公字尙洪

汝樞公字尙球

永壬公字尙俊

永樞公字尙星

永鵬公字尙翺

永新公字汝霖

小皋公字汝諧

子乾公字啟成

社炎公字啟純

必雲公字景龍

汝昭公字聯昌

順鴻公字淳熙

汝湘公字淳林

必柱公字景霖

興璇公字恒修

瑞修公

輝遠公字士倫

翹遠公字士楷

新湛公

社成公字愛修

社進公字禮修

社來公字照修

以上十九世

綿緒公字華遠

汶豪公字凝遠

汶樞公字馨遠

汶讓公字遜遠

汶樂公字明遠

綿竹公字修遠

運玲公字鑑遠

汶鏗公字作遠

東著公字源遠

汶濂公字建邦

顯揚公

經安公字儒英

汝保公字廣英

文標公字朝英

遠焯公字冠英

榮賢公字倫祖

銘祖公字禮賢

以上二十世

南海廖維則堂家譜

卷一

耆壽續

全圖

節孝

詩咏共美傳詳列女婦而節古所欽也况村女無知口未誦女論語之書耳未聞周二南之訓而持貞守一今昔同符不紀而彰之纂事者過矣

十三世偉初妻林氏

十四世子健妻陳氏

十四世太甯妻許氏

十六世燕藩妻陳氏 入邑志

十七世昌儒妻關氏

十七世淑芳妻羅氏

十八世成鏗妻梁氏

十八世槐植妻陳氏

十八世國學生端妻羅氏

十八世奇秀妻李氏

十八世掄秀妻阮氏

十九世德禧妻潘氏 以上已請旌

十六世瓊漢妻陸氏

十六世殷漢妻羅氏

南海廖維則家譜

卷一

節孝

全

十六世崇漢妻梁氏

十六世榮漢妻陸氏

十六世宗藩妻關氏

十六世賢亮妻馮氏

十七世益儔妻譚氏

十七世瓊光妻關氏

十七世翰彪妻馬氏

十七世崇戴妻陳氏

十七世昌謙妻羅氏

十七世昌信妻關氏

十七世麟禎妻馮氏

十七世廣祥妻馮氏

十七世鳳禎妻關氏

十七世連昭妻羅氏

十八世永元妻關氏

十八世盛魁妻羅氏

十九世德載妻何氏

以上未請旌

十八世調萬妻梁氏

已請旌

十九世世德妻霍氏

已請旌

節孝續

十八世祥瑞妻顏氏

十九世世英妻關氏

十九世德禧妻潘氏

以上已請旌

十七世翰乾妻何氏

十八世和卿妻關氏

十八世融卿妻關氏

十八世允卿妻關氏

十八世祥珍妻李氏

十八世俊大妻梁氏

十八世超大妻關氏

十八世社炳妻羅氏

十八世祥信妻關氏

十八世敏大妻關氏

十九世尙康妻關氏

十九世尙澄妻梁氏

十九世汝楫妻關氏

十九世汝錦妻林氏

十九世張蔭妻關氏

十九世永昭妻羅氏

二十世賢英妻羅氏

二十世宗遠妻關氏

二十世卓廷妻關氏

以上未請旌

南海廖維則家譜

卷一

節孝續

又三

戶口

國家之命脈繫乎民民氣之盛衰存乎戶故負版有
貢史氏有書事匪細也吾族由宋以來歷有年所派
日以衍戶日以增不悉紀名後妨誤襲至地丁多實
糧册別存毋庸複述也

十五畝三甲

廖大期戶 廖必祥戶 廖雄戶 黎初戶

陳繼武戶 羅演同戶 廖尙宗戶 廖少同戶

廖必驥戶 廖紹藩戶 廖永祖戶 廖祖同戶

廖裔和戶 翁永同戶 廖恒戶 廖尙璣戶

廖繇戶 廖紹宗戶 廖紹增戶 廖應期戶

南海廖維則堂家譜 卷一 戶口 全

廖應祥戶 廖應登戶 廖裔禎戶 廖昌戶

廖觀長戶 廖長盛戶 廖珍戶 廖祥戶

廖尙珩戶 廖甲初戶 廖妙女戶 廖成女戶

廖家益戶 廖永泰戶 廖貞女戶 廖淑女戶

廖增戶 廖紹榮戶 廖寅盛戶 廖永增戶

廖淑貞戶 廖聯豐戶 廖永益戶 廖耕祖戶

十五畝四甲

廖繼賢戶 廖必尙戶 廖世穀戶 廖挺俊戶

廖戊女戶 廖兆恩戶 廖兆桂戶 廖少彥戶

廖興孫戶 廖尙啟戶 廖尙鍾戶 廖應辰戶

廖長戶 廖通戶 廖祖隆戶

廖善蘊戶	廖然戶	廖炳女戶	廖廷芳戶
廖良成戶	廖良戶	廖辛女戶	廖良昌戶
廖恒昌戶	廖源昌戶	廖大昌戶	廖榮昌戶
廖永盛戶	廖遠昌戶	廖恒盛戶	廖洪昌戶
廖成昌戶	廖振祖戶	廖興建戶	廖合昌戶
廖國昌戶	廖勝昌戶	廖恒益戶	廖厚積戶
廖秀平戶	廖恩戶	廖常豐戶	廖維新戶
廖西良戶	廖益戶	廖同戶	廖宇戶
廖廣益戶	廖成戶	廖豐戶	陳必昌戶

十五畝九甲

廖剛戶	馮瑞疇戶	廖必榮戶	廖廷諫戶
-----	------	------	------

南海廖維則堂家譜 卷一 戶口 全

廖世寶戶	廖世榮戶	廖以新戶	廖世遐戶
廖永甯戶	廖維秀戶	廖世成戶	廖世登戶
廖世盛戶	廖厚生戶	廖世昌戶	廖永豐戶
廖丙女戶	廖阿陸戶	廖善女戶	廖阿興戶
廖阿關戶	廖淑女戶	廖逢泰戶	廖璧峯戶
廖宏女戶	廖興女戶	廖禪女戶	廖懿女戶
廖慶女戶	廖真嘗戶		

十五畝十甲

廖大進戶	廖善祥戶	廖志端戶	廖長娘戶
廖志昌戶	廖自脩戶	廖懿女戶	廖必伸戶
廖元戶	廖信女戶	廖經邦戶	廖業興戶

廖辛女戶 廖長妹戶 廖祥允戶 廖朝佐戶
廖朝芳戶 廖賢女戶 廖槐戶 廖啓初戶
廖業女戶 廖萬彩戶 廖接仲戶 廖業仲戶
廖凝嘗戶 廖蕃昌戶

藝文 壽序 傳 像讚 行述 墓誌 序 記 詩

庚申聯壽序

己未秋余奉

旨給假歸里與諸父老敘契濶銜杯酒洗京華十斛塵甚
快事也而姻誼纏綿枌榆密邇者則惟吾族之與廖族廖
氏世衍中州自宋代以來世居良寶奔葉相承人文日盛
與吾族相伯仲余雖分居庄頭而騰冲爲發源之地宗祊
在焉歲時享祀隨長者後因悉與廖氏世敦姻好而儒林
偉贊兄同學建藩兄又爲吾家快壻彼此往來論文之暇
談及族事則其族之仕隱壽考瞭如指掌焉屆冬余有事
於祖祠便訪贊藩兩兄欣然握手曰來何暮也吾族望公

南海廖維則堂家譜

卷一

藝文

十九

亟矣因備言族有聯壽之舉自百齡炎瑒翁爲首而九十
八十七六十皆與焉自炎瑒爲尊而次之更次之皆與
焉夫稱觴上壽昔之人恆祝之於家顧祝之於家盍若祝
之於族祝之於家則愛有專屬其義隘祝之於族則愛有
大同其義廣族之人壽之熟矣惟公一言以贊揚之余再
拜謝不敏因思族盛於德而壽亦多於德今廖氏耆年迭
出杖履聯班晉接之間宛如香山洛社蓋整躬率物楷模
後昆者非一日矣是以孝慈友恭之風不肅而成言坊行
表之士相繼而起族之興德爲之也而壽考之多於此卜
焉况今後起諸君文采聯翩學富才華者指不勝屈將同
着祖鞭揚名上苑則所以贊揚族之齒德者大有人在又

何俟余之喋喋哉然則余之祝也特爲之嚆矢耳若謂足當諸君之望則吾豈敢

乾隆五年歲次庚申孟春穀旦

賜進士出身翰林院庶吉士年家姻眷弟馮成修頓首拜撰

例授文林郎雍正癸卯科舉人大挑一等廣西試用知縣乙卯鄉試同考官年家姻晚生陳是集頓首拜書

庚申製錦壽號

炎璿翁 純欽翁 持庄翁 品純翁 慕常翁

南叟翁 景南翁 善遐翁 愛日翁 寵德翁

志誠翁 明海翁 德庵翁 心明翁 慎素翁

南海廖維則堂家譜

卷一

藝文

卒

林逸翁 清庵翁 志善翁 德敷翁 南石翁

信涯翁 德君翁 景逸翁 仰樵翁 悅南翁

玉泉翁 與日翁 與樵翁 昌涯翁 啓明翁

逸南翁 滙南翁 恆心翁 日如翁 覺開翁

西疇翁 近樵翁 德如翁 悅懷翁 敷五翁

奠槃翁 義存翁 接如翁 北一翁 在川翁

仁慈翁 善叟翁 福興翁 北山翁 靜齋翁

東隱翁 南君翁 逸樵翁 岳南翁 省耕翁

南山翁 德雄翁 沃心翁 敬竹翁 懷天翁

善藏翁 東霞翁 仰華翁 松齡翁 樂齋翁

鎮江翁 恆志翁

乾隆丁酉聯壽序

良寶廖姓余家騰冲房比鄰巨族也其族襟山環海靈鍾秀毓代有達人方今

聖天子御極四十有二年鴻緒纘承重熙累洽仁風翔乎六合聲教訖乎四海休徵允協祥符斯應宜有人瑞以昭邛隆而廖族適際

壽考作人之景運開介眉祝嘏之春筵猗與盛哉余少與廖君建藩同學憶歲己未余請假還里祭祖騰冲道訪建藩其明年庚申合族聯慶製錦旣徵余言爲壽時建藩族弟玉堂年甫弱冠文章書法已庠序有聲若翁燦垣老成剛正爲閩里推余久爲之景慕弗置矣迨供職京師相

南海廖維則家譜

卷一

藝文

七

違數十載旋里後迭主粵秀越華講席乃得復與玉堂遊甚邇時方修文廟尊經閣明倫堂書大學一章則玉堂手筆也每一臨觀未嘗不嘆其能際此文字知交而玉堂又復以闔族介眉徵言製屏爲請余維庚申迄丁酉三十餘載廖族兩開壽筵余得兩覩其盛愈不禁樂道其詳焉廖族世誦清芬寶江禹門公輩出以功業文章垂裕後昆者其淵源有自若以耆德著者四世志達公年屆九袞六世樂善公九十有七八世節堂公十二世迴涵公迴瞻公皆幾百歲十三世炎瑄公則百有一歲疊蒙

恩錫旌其坊曰昇平人瑞余於庚申壽序言之蓋詳而丁酉壽筵則有若樂康翁等次世數則四其代綜壽者則百

其人皓首蒼顏後先輝映誠蔚爲一族之光也夫漢之四皓唐之九老宋之耆英真率及夫魏公四明之讌集彼各著爲詩歌傳諸圖畫可謂極一時之盛矣乃或借美於同人或分榮於戚屬孰若太和洋溢融融洩洩萃於一鄉鍾於一族也哉時當春和欣逢嘉會諸父老鼓腹嬉遊於前衆子弟祝嘏稱觴於後戲綵堂以樂永日酌康爵以介大年盛德所集諸福咸臻夫豈倖而致與

朝廷隆憲老乞言之典他日蒲駕來迂諸翁顧而樂之則喜溢門庭者洵未有艾矣余爲歌南山以侑觴諸翁其爲我爵無算乎時

乾隆四十二年歲在丁酉孟春上元穀旦

南海慶維則堂家譜

卷一

藝文

三

賜進士出身

誥授奉政大夫禮部祠祭司郎中兼儀制司郎中前 欽

命提督貴州全省學政壬申 恩科順天鄉試同考

官庚午科福建主考官癸酉科四川主考官充 大

清會典館纂修吏部文選司員外郎稽查正黃旗教

習驗封司主事稽勳司主事翰林院庶吉士年家眷

弟馮成修頓首拜撰

賜進士出身

敕授文林郎廣州府儒學教授前山東青州府臨淄縣知

縣加三級年家眷弟郭紹宗頓首拜書

丁酉製屏壽號

樂康翁	皓溪翁	儀溪翁	松溪翁	翼琳翁
翼瑤翁	柏溪翁	品亭翁	敬川翁	直存翁
樂耕翁	直寰翁	燦垣翁	南山翁	如柏翁
能一翁	慈脩翁	陞仁翁	西成翁	彌山翁
禪隱翁	愈伯翁	永日翁	明叟翁	挹南翁
渭水翁	德星翁	東水翁	傑能翁	良智翁
吾所翁	耀南翁	翼輝翁	松涯翁	蘭堂翁
常樂翁	肇瓊翁	德輝翁	東溪翁	近南翁
松雍翁	忍堂翁	心誠翁	波山翁	汝閒翁
得松翁	直隱翁	渭川翁	慕常翁	南秀翁
槃樂翁	碧崖翁	南星翁	鶴林翁	閒良翁
珍堂翁	叢獻翁	省恕翁	遂全翁	聚叟翁
炳宇翁	揚眉翁	慎藏翁	南長翁	自脩翁
慈隱翁	日興翁	秀容翁	怡堂翁	良叟翁
松林翁	揚正翁	承叟翁	東啓翁	東善翁
毅如翁	永山翁	傑才翁	智隱翁	樂純翁
雍和翁	勤樂翁	東義翁	南軒翁	鶴隱翁
長義翁	靜庵翁	玉堂翁	心直翁	接隱翁
敬常翁	東樂翁	碧南翁	學勝翁	如松翁
南榕翁	厚賢翁	平心翁	炳遐翁	柏壽翁
聚秀翁	祝兆翁	良逸翁	義昌翁	炎亭翁

辛未聯壽序

古之享大年稱盛會者曰耆英曰真率然真率之會不過數人而已耆英之會僅得十二人從未有耄耋期頤而康而富如良寶廖氏之多者豈其得於天者獨厚歟抑修於身者皆有可表歟余習舉子業與廖君佩堂郁堂輩同學交遊見其父兄類皆如王彥方陳仲弓恂恂然篤行君子既而逐宦燕北謀面日疎客春乞假南旋始得敘寒暄詢諸父老亦多皤皤黃髮而生平樂善至老不衰其大者則由尊祖敬宗以及睦婣任卹美哉此福之基歟今其子弟爲諸父老聯壽丐言於余余聞行立者其名彰德茂者其壽永前當令祠剝蝕眾議興修報本追遠莫此爲大而自南海廖維則堂家譜

卷一

藝文

七

鳩工以迄歲事櫛風沐雨竭力數年卒能有始有終盡善盡美則炎亭翁達亭翁恬然翁也和衷共濟俾底厥成以至凡有年者無不踴躍則錫能翁豪溥翁作昭翁觀亭翁也區區捐貲樂助又不足爲諸父老稱外此敦行葦之恩篤伐木之誼爲鄉閭矜式者尤不可勝述夫爲人父兄而皆思水源木本則爲人子弟而皆知敬長尊親由是稱彼兕觥綏我眉壽誰曰不宜况夫時際春和景物融煦聚芝蘭玉樹之美登翬飛鳥革之堂或爲絳縣之名賢或比商山之四皓或如披簿之僊哲或同嚴謁之石君華髮朱顏師師濟濟非所稱

昇平人瑞者哉余供職京師不獲酌大斗以祈黃耇而有

可爲諸父老壽者翁之宗族曾於三十年前製錦稱祝其
時與壽考者百有餘人不轉瞬間而杖國杖鄉數皆相若
此可爲壽者一翁之子弟蜚聲譽序異日顯揚光大駸駸
乎軼萬石而紹侯封此可壽者二今
聖天子優禮耆耄安車束帛指日下鳳皇而來星聚之門
此可壽者三然非有過人之德又何有過人之福且何以
有過人之壽若此其斯足以繼耆英直率後先輝映也夫
是爲序

嘉慶歲次辛未

月

穀旦

賜進士出身

誥授中憲大夫山西道監察御史前翰林院編修充功臣

南海廖維則堂家譜

卷一

藝文

七五

館纂修文穎館纂脩

實錄館纂校庚午科順天鄉

試監試官戊辰科會試同考官順天鄉試同考官加

三級年家眷姪李可蕃頓首拜撰

賜進士出身

誥授朝議大夫湖北安陸府知府前戶部雲南司主事總

理京省錢法事務署理寶泉局監督貴州司員外郎

山東司郎中則例館纂修官兼辦雲南司軍需局

欽差工部寶源局監督加三級紀錄七次愚世姪林

紹光頓首拜書

辛未製錦壽號

炎亭翁

明遠翁

星輝翁

延開翁

逢泰翁

養純翁 日所翁 炳松翁 松輝翁 光宴翁

九如翁 信孚翁 松樂翁 柏齡翁 恬然翁

翼楠翁 遇潛翁 達亭翁 松遠翁 兆如翁

如叟翁 慎堂翁 茂柏翁 長清翁 念聖翁

守己翁 肯堂翁 永軒翁 永思翁 柏純翁

世霞翁 念德翁 善堂翁 長安翁 東藏翁

鳳南翁 靜軒翁 福陞翁 善亭翁 挺然翁

樂善翁 傑賢翁 雲連翁 雲興翁 耀山翁

盛池翁 裔賢翁 福軒翁 瑞軒翁 行平翁

壽廣翁 慎遠翁 學平翁 如甯翁 意餘翁

眷陞翁 懷莊翁 福昌翁 觀亭翁 長記翁

平寬翁 純軒翁 若川翁 昭然翁 松意翁

德齊翁 傑軒翁 三才翁 忍脩翁 美存翁

蘭芳翁 盛德翁 鍾洲翁 端洲翁 永洲翁

脩成翁 善脩翁 蘭畹翁 恬軒翁 靜隱翁

馥雲翁 南星翁 其昌翁 伯隱翁 名隱翁

恆齋翁 瑞珍翁 如松翁 德經翁 粹軒翁

心齋翁 其祥翁 恬隱翁 洪琇翁 蓮祥翁

厚賢翁 南山翁 三省翁 瑞坤翁 松維翁

景雲翁 如盛翁 聘瑤翁 碧池翁 日誠翁

石泉翁 麗亭翁 齡祥翁 柏儒翁 淡樂翁

聚源翁 卓然翁 遇慶翁 雲喬翁 松隱翁

純軒翁

南海廖維則堂家譜

卷一

藝文

九

丁亥聯壽序

養老之典自古而重所謂國老庶老其人數不可知至後世九老之圖者英之會則皆聚異地之人以成一時佳話乃若一鄉一族之間壽者百餘人親戚子弟稱觴上壽以聯宗族之情申孝弟之義方之香山洛下未知何若要亦盛世之嘉祥鄉閭之美舉也嶺南故多巨族予督粵七年見凡聚族而居者其父老類能修明宗法訓飭族屬非大爭訟皆決於族例不至官猶不失周官宗以族得民之意若南海廖氏其尤著者廖氏自宋末聚居西樵之良寶鄉族屬千餘耆壽者常百餘人世有聯壽之典遇有慶舉則合父老週花甲以上者延集戚友製屏稱祝以樂之夫愛親敬長爲人子弟之私然由孝弟之意推而上之則宗族者其始一人之分也聯壽者愛敬其親推以及人之親因使舉族之人皆愛敬其親卽古者盛王養老之禮所自昉然則敬宗收族之道孰大乎此吾聞廖氏入

國朝百數十年科名頗少自乾隆間始爲聯壽之舉嘉慶辛未復繼行之至嘉慶癸酉而族人士瓊遂舉於鄉丙子族人牲繼登賢書聯捷南宮官工部主事己卯族人翱乃更領鄉解去年復成進士官山西知縣出予門下十餘年中科甲迭起其餘英俊子弟多有聲庠序間門第之間蔚爲南海望族此豈非父兄之教旣先子弟之率復謹飭紀敦倫克施有政之明效歟今歲朔乞假南歸告祖之日倡

其族人復聯壽之舉屬予爲之序一時同壽者合一百五十餘人一門之內皓首龐眉懽欣暢敘洵足樂也予惟積厚者必光而孝友睦婣亦人情所難已廖氏以養老之效而光大其門閭復能率由不廢家勢之隆將未可量里閭鄉邑行且聞風慕效爲父兄者皆思教訓其子弟爲子弟者皆知孝養其父兄敬老尊年成爲風俗他日作史者且將採摭其事書之傳誌以爲盛事此尤邦國之光非僅一家之慶也是爲序

道光歲次丁亥寅月

穀旦

賜進士出身

誥授光祿大夫太子少保體仁閣大學士管理刑部事務

南海廖維則家譜

卷一

藝文

九

丙戌科大總裁通家弟蔣攸銛頓首拜撰

賜進士出身

誥授光祿大夫經筵講官都察院左都御史丁丑科大總

裁通家弟姚文田頓首拜書

丁亥聯壽序

昔陳仁懋著壽者傳自陶唐而下得數十人大抵採掇前
聞蒐羅曩故嘉彼天年之永休茲人瑞之稱不必足跡其
里閭目接其聲歎也至如香山雅會長慶有詩洛下耆英
傳家有集入梅花之社悉屬高年際烏青之墟尤多老宿
好事副之楮墨妙手繪爲丹青人既可傳事均足紀粵之
爲地號居重溟仰觀於天星耀南斗是生文物亦爲壽徵
若崧臺謝氏五代同堂賁隅潘翁一門四皓此旣然矣然
而美有專屬理難合并氣不萃於一鄉靈不鍾於一族又
或典型雖在如可數之晨星後起無人類僅存之碩果若
良寶廖氏斯足異焉廖氏世誦清芬家食舊德水當南海
南海履維則家譜 卷一 藝文 百
之滙山分西樵之奇自宋以來多歷年所聚族而處實繁
有徒况復崇祠鼎建家塾宏開采芹歌泮水之章食萃詠
鹿鳴之什哀登秋榜南宮膺社稷之司聯捷春官北直領
虞衡之掌繼徽弈弈踵武繩繩粵以疆圉赤奮若之歲首
春載陽眉壽是介統一姓之內計百有餘人或歲屆期頤
或年躋耄耄杖國杖鄉亦居弟列執醬執爵皆爲孫行於
時笙籥流歡觴豆告備靈椿交誦維桑具瞻循養老之舊
文徵下走之鄙語竊謂周官宗以族得民箕疇壽居福之
首黃眉皓髮信我
朝教澤之深綠緜金章實諸父勤勞之報爰各疏其名號
用誌慶於將來

道光歲次丁亥寅月

穀旦

經筵日講起居注官太子太傅武英殿大學士管理工部

事務尚書房總師傅丁丑科大總裁通家弟曹振鏞

頓首拜撰

經筵講官工部尚書兼順天府府尹事務丙戌科大總裁

通家弟陸以莊頓首拜書

丁亥製屏壽號

兆如翁 長記翁 昭然翁 盛池翁 福軒翁

福昌翁 意餘翁 景雲翁 啓垣翁 日誠翁

伯隱翁 石泉翁 倬然翁 東生翁 蘭清翁

粹軒翁 瑞坤翁 淡樂翁 三省翁 麗亭翁

南海廖維則堂家譜

卷一

藝文

一百

如盛翁 蘭貴翁 其祥翁 柏順翁 恕齋翁

蘭嵩翁 齡水翁 修成翁 瑞軒翁 聚源翁

騰芳翁 敬祥翁 東焯翁 翼垣翁 疊南翁

嶺東翁 燕山翁 茂祥翁 植堂翁 東屏翁

忍平翁 宜南翁 海平翁 巨川翁 東昇翁

貞吉翁 蘭軒翁 桂軒翁 壬之翁 雲芳翁

臨之翁 日林翁 東山翁 錦堂翁 國元翁

喜德翁 介亭翁 有德翁 榮福翁 粹賢翁

如平翁 南山翁 福甯翁 恆善翁 雲平翁

知藩翁 德福翁 麗乾翁 益善翁 瑞堂翁

羽翔翁 士成翁 順源翁 意誠翁 柏在翁

簡軒翁	善榮翁	吉軒翁	賡堂翁	正軒翁
盛然翁	知源翁	調元翁	簡居翁	冲漢翁
帖隱翁	如心翁	滄海翁	勞之翁	錦堂翁
平壽翁	光遠翁	曉然翁	平樂翁	德汪翁
德軒翁	瑞雲翁	錦雲翁	勝閒翁	直之翁
六符翁	雲峯翁	福賢翁	蘭芳翁	宜松翁
松軒翁	葵發翁	永安翁	福海翁	履泰翁
隱士翁	顯山翁	忍陞翁	名山翁	竹軒翁
陞源翁	玉明翁	意高翁	積相翁	贊亭翁
舜日翁	節亭翁	咸甯翁	延齡翁	實庵翁
富源翁	瑞元翁	厚德翁	元開翁	柏林翁
如隱翁	桂源翁	東明翁	東儒翁	忍純翁
茂然翁	淡然翁	明素翁	瑞堂翁	敬堂翁
靄然翁	遠源翁	英泰翁	逸堂翁	怡然翁
炳然翁	樸存翁	安止翁	瑞蘭翁	靜巖翁
星垣翁	頤園翁	厚財翁	日省翁	萬源翁
明義翁	海松翁	桂山翁	福田翁	

已酉聯壽序

續刻

汝南距徽千有餘里其間郵筒尺書時相往還然皆爲官禮拘半出記室之手寒暄頌揚無一肝鬲語余方怪鹿儕之何疎棄我也今冬接到手書備言其族人定於明春爲諸父老懸弧大慶以序囑余余忝通家誼不容辭竊揣鹿儕年逾六十喜其近狀老健思所以祝鹿儕者而並爲諸父老祝也我 國家定鼎二百餘年湛恩汪濊徧於海隅

今

皇上躬行孝慈仁風丕冒太和之氣洋溢宇宙萬物得所莫不熙熙然遊壽宇而登春臺廖族家嶺南大河濱門川湧濤飛樵山列屏雲蒸霞蔚且其地僻處偏陬無車塵馬

南河廖維則家譜

卷一

藝文

一五

足之擾相與安居樂業優游頤養共享太平之福以保遐齡故一時杖鄉者杖國者杖朝者一門之內合百有四十人其子弟又能聯菽水之歡各娛所親以錫爾類斑衣春服霞爛星輝猗歟盛哉斯固 熙朝休徵亦德門樂事也憶自丁丑歲與鹿儕同捷南宮余叨選詞垣鹿儕備員郎署彼此過從者垂十年至歲丙戌其族兄羽臯成進士丁亥春月曾爲聯壽之舉大學士曹文正公爲之序一時名公鉅卿或書几屏或顏楹帖余緣同年雅誼亦得例獻嘏詞以侑康爵蓋余與鹿儕爾日猶在捧几侍杖班也曾幾何時歲月如流至於今已二十餘秋矣余雖兩逢其盛不獲躋堂酌垂位諸賓末獨從數千里外遠寄一言臨風神

馳不禁爲之流連忻慕也鹿儕勉哉他日解組林下築室於樵山佳處共結閒緣再約諸老置酒高會如今日事余將復郵寄介辭以當鶴南飛之奏諸老不更爲我爵無算哉廖子松余使粵所校士也其尊人鑑湖在京時曾訂縞紵今計其已預斯會余將以爲鹿儕祝者轉爲鑑湖祝并爲諸老祝也是爲序

道光歲次己酉首春穀旦
賜進士出身

詰授資政大夫兵部侍郎安徽巡撫前內閣學士兼禮部

侍郎安徽學政廣東學政年愚弟王植頓首拜撰

賜進士出身

南海羅維則堂家譜

卷一

藝文

百四

誥授資政大夫刑部侍郎正紅旗漢軍副都統廣東學政前詹事府詹事翰林院侍讀學士通家愚弟全慶頓首拜書

己酉製屏壽號

麗乾翁 恆貴翁 曉然翁 宜松翁 如軒翁

彌高翁 蘭田翁 學平翁 明素翁 近閒翁

怡堂翁 卓亭翁 誠庵翁 靄堂翁 先禮翁

秋山翁 賢樂翁 東棠翁 星垣翁 頌平翁

日軒翁 宏軒翁 愛廬翁 鑑湖翁 淳啓翁

昭堂翁 延亭翁 達軒翁 南屏翁 秀峯翁

鹿儕翁 帶之翁 杏沛翁 善然翁 東然翁

炳祿翁	贊平翁	瑞遠翁	亮平翁	仁山翁
恬坡翁	和平翁	合南翁	致祥翁	廣和翁
璇峯翁	汝屏翁	勉齋翁	德靜翁	敬亭翁
茂堂翁	可亭翁	華軒翁	鈺湖翁	磐石翁
秋藻翁	肇開翁	啓堂翁	善脩翁	茂榮翁
德榮翁	松高翁	康年翁	以齡翁	樑材翁
退谷翁	偉萬翁	旋吉翁	彥輝翁	輝茂翁
濟榮翁	池輝翁	秀平翁	純之翁	隱堂翁
協光翁	連升翁	榮寶翁	瑞和翁	引福翁
心源翁	凌峯翁	福志翁	燦齋翁	瓊庵翁
遇平翁	寶藏翁	朗齋翁	濟川翁	活軒翁
道廷翁	協如翁	良材翁	如南翁	作霖翁
南池翁	有餘翁	杰堂翁	滿平翁	以寶翁
曉蓉翁	拔堂翁	簡平翁	培之翁	佐仁翁
又虞翁	容隱翁	若松翁	德隱翁	伯祥翁
進鴻翁	德壽翁	德緒翁	雪樓翁	菊泉翁
雲垣翁	青圃翁	桐江翁	可良翁	金玉翁
鳳台翁	伯亨翁	可勝翁	金明翁	必得翁
致生翁	或生翁	輪堅翁	錦繡翁	意蘭翁
日和翁	遠源翁	順賢翁	儉孜翁	淡舒翁
秀山翁	松林翁			

南海廖維則家譜 卷一

藝文